


The  
John Carter Brown  
Library



*Purchased  
with the assistance of the*

MAURY A. BROMSEN  
ACQUISITIONS FUND



#29428

ju

# ERRATA

1. The name of the author of the first paper is not given in the title page. It is given in the preface, however, as "J. H. Van der Linde".

2. The name of the author of the second paper is not given in the title page. It is given in the preface, however, as "J. H. Van der Linde".



SIMPLICIVM  
MEDICAMENTORVM  
EX NOVO ORBE DELA-  
TORVM, QVORVM IN  
MEDICINA VSVS  
EST, HISTORIA,

Hispanico sermone descripta à D. NICOLAŌ  
MONARDIS, Hispalensi Medico;

*Latio deinde donata, & annotationibus, iconibúsqúe  
affabrè depictis illustrata à CAROLO  
CLVSIO Atrebate.*

ALTERA EDITIO.




ANTVERPIÆ,  
Ex officina Christophori Plantini,  
Architypographi Regij.  
M. D. LXXIX.

**SYMMA PRIVILEGII.**

**PHILIPPI** Regis Hispan. &c. Ducis Brab. &c.  
*Privilegio cautum est, ne quis ante quadriennium citra*  
*Christophori Plantini voluntatem, librum De Simplicibus*  
*medicamentis ex Occidentali India delatis, quorum in*  
*Medicina usus est, &c. imprimat, aut alibi impressum*  
*importet, venalemve habeat, intra omnes ditionis eius fines;*  
*qui secus faxit, confiscatione librorum, & poena sisco Regio*  
*exsoluenda, multabitur: vt latius patet in ipso diplomate.*

*Subfig.*

**I. de Witte.**





## MEDICAMENTORVM

EX NOVO ORBE DELATO-  
RVM, QVORVM IN MEDICINA  
VSVS EST, HISTORIA.

## Copal &amp; Anime.



VO resinarum genera multum similia  
ex Hispania noua adferuntur, quorum  
vnum Copal vocatur, alterum Anime:

COPAL resina est admodum can- Copal:  
dida, & lucida, & transparentis, magnis  
fragmentis, Diacitri valde transparentis  
haud dissimilibus, satis odorata, sed non perinde vt Anime.  
Ea Indi in suis sacrificiis suffumigij loco utebantur, eamque  
ob causam Sacerdotibus in templis suis frequenti in vsu, ad-  
eò, vt cum Hispani nostri primum eò appellerent, huiusmo-  
di suffutibus naribus eorum admotis exciperentur.

VTILIS est ad frigidos capitis morbos, & Thuris, aut  
Anime vicem explet. Calida secundo gradu, humida primo.  
Resoluit ac emollit, ob partes quas habet aqueas:

ANIME arboris est lacryma seu resina, alba, ad Thu- Anime.  
ris colorem nonnihil vergens, verum Copali magis oleagino-  
sa. Desertur granis Thuris, sed crassioribus, que confracta  
luteum colorem ostendunt instar resinae: gratissimi ac sua-  
uissimi est odoris, & prunis imposita, facile consumitur.

DIFFERT ab Anime Orientali, quod neque tam Anime ori-  
candidum, neque tam lucidum sit. Orientale item magnis tale.  
fragmentis adfertur transparentibus, \* ita vt nonnulli Cha-  
rabe seu Succini speciem esse suspicati sint, quam Ambarum Ambarum  
colliquatum nuncupant, e quo sphaerulae precariae tornantur, colliquatu.  
cum nihil sit minus: nam Charabe Bitumen est, cuius ma- Charabe, &  
gna fragmenta hamis ferreis e mari Germanico eruantur, eius natales;

utpote quod è fontibus in ipso mari manat , Bituminis modo, atque aëri expositum, statim cogitur & desatur, ut coniungere licet ex bacillis, & aliis maris purgamentis, quæ in fragmentis illis conspiciuntur. Vnde eorum error colligitur, qui Populi lacrymam aut Pini esse putarunt. Hermolaus Barbarus vir doctissimus, ait Anime Orientale colligi vicinis locis pago, in quo Thus nascitur, & ab illius pagi nomine, Anime vocari.

Succinum  
non est la-  
chryma.

Anime A-  
mericum.

NOVÆ Hispaniæ Anime colligitur ex arboribus mediocris magnitudinis, per incisionem, Thuris aut Mastice modo.

Anime fa-  
culiatae.

Huius usus est in plerisque, sed capitis præsertim morbis, à frigilitate prouementibus, & defluxionibus purgationes subsequenter, cubiculis per hiemem (etenim aërem purgat) & capitis operimentis, dormire sub noctem volentibus, suffitis, quinetiam ipso capite, si qui cephalæa & hemigrania laborant: nam caput roborat.

MISCETVR emplastris & Ceratis, ubi roborare, & frigidos humores, statusq; resolvere opus est. Thuris vicem supplet, cum in suffitiis, tum in iam dictis. Cerebrum roborat, emplastrum modo adhibitum, atque etiam ipsum ventriculum reliquasque partes nervosas, Cerati modo, tertia parte cæra admista; atque sic gestatum diutius, & subinde renouatum, frigiditatem è quacumque corporis parte elicit. Calida est secundo gradu, humida primo.

Xolocheo-  
palli.  
Copalca-  
huiatl.

Gomara in Mexicana Historia duo Copalis genera facit; alterum rugosum, quod Xolocheopalli vocari dicit, molle, Thuri simile; alterum, multo præstantius, Copalcahuiatl, quod plerique myrrham existimant. Vulnerata arbore guttatim stillat liquor albus, qui statim concrevit.

\* Qui plura de Orientali Anime volet, legat nostras annotationes in cap. 8. lib. 1. Historiæ Aromatum. Nobilioris illius Orientalis Anime fragmento, quod aliquot uncias pendebat, donatus sum ante biennium à doctissimo Hugone Morgano Pharmacopola Londinensi.

Toçot-gue-  
bit.

Refert Fragosus, in India Occidentali arborem inueniri Toçot-guebit, id est, lignum desiderij seu exoptatum, dictam, Populo similem, summi candoris, cuius materies, ob candorem, lætorem, & splendorem, sum-



# TACAMAHACA.

rem, suramē expetebatur ad idola fabricanda. Sub cuius cortice nascitur gummi seu Resina, Thuri nostro similis, sed candidior, & minoribus fragmentis, quo istic vtuntur, vt nos Thure.

## Tacamahaca.

DEFERTVR item ex Noua Hispania, aliud gummi Tacamahaca seu resinæ genus, ab Indis Tacamahaca vocatum, quod nomen apud Hispanos retinuit. Colligitur vulnerata arbore, magna vt Populus, admodum odorata, cuius fructus ruber est, Pæoniæ seminis modo.

PLVRIMVS huius vsus est apud Indos, præsertim in tumoribus omnibus: nam eos mirabiliter resoluit, maturat, & tollit, vt etiam omnes dolores ab humoribus frigidis & flatulentis prouenientes.

COLORE est Galbani (nec desunt qui idem esse putent) vnguibus albis, vt Ammoniacum, odore graui, atque etiam sapore, ita vt prunis injecta, & naribus admota, mulieres vteri suffocatione laborâtes ilico liberet. Umbilico emplastri modo imposita, vterum suo loco retinet: atque huius vsus adèd mulieribus est familiaris, vt ab eis maxima ex parte absumatur, quandoquidem efficacia experiantur eius remedia, cum in vteri suffocationibus, tum in roborando ventriculo. Nonnullæ delicatiores ambarum & moschum addunt. Maximè utilis est, ad resoluendos & tollendos omnes dolores, ab humoribus frigidis & flatulentis prouenientes, emplastri modo adhibita: Eiusdem est efficacie in tumoribus frigidis, quoniam eos resoluit, maturat, & absumit ilico. Non liquefcit, sed ita tenaciter semper adhæret, vt auferri, nisi opere absoluto, non possit.

EXPERIMENTO comprobatum est, qualescumque defluxiones reprimere, linteo exceptam, & ad vtramque aurem, aut eam ad quam sit defluxio, adpositam. Temporibus imposita cerati modo, defluxum in oculos, aliasq; faciei partes detinet. Dolorem dentium sedat, dentibus, etiam corruptis, imposita: atque si hac dens corruptus vstuletur, prohibet

prohibet ne corruptio longius serpat. Pectori & humeris vt emplastrum imposita, dolores eorum finit.

Emplastrum  
stomachi-  
cum.

Ex ea, styracis tertia parte, & ambari momento, fit emplastrum stomacho longè vtilissimum: siquidem eum roborat, appetitum ciet, concoctionem iuuat, & status discutit. Eodem modo cerebro imposita, eum roborat, & dolores auferit. Magna est efficacie, in doloribus coxendicis, & omni articularum morbo, præsertim si ab humoribus frigidis aut mixtis proueniunt: quoniam eius resolutio adstrictionis particeps est, qua de causa mirum in modum partes roborat.

SOLA, iuncturarum aut neruorum vulneribus imposita, ea curat: nam statim suppurat & spasimum prohibet. ego tertiam partem cere admisceo, quoniam facilius inducitur.

IN summa, adedò celebris est eius vsus, vt plebs ad qualemcumque dolorem aliud remedium non norit, modò non sint inflammationes admodum calide: sed & in his admodum vtilis est, in morbi declinatione, ad discutiendum qui supererat humorem. Calida est initio tertij gradus, multis adstrictionis particeps, & sicca in secundo.

Caraña.

Caraña.

Ex Continentis parte interiore, per Carthaginem & Nomè Dei, defertur resina colore Tacamahaca, sed splendidiore, liquidior, ac densior, lingua Indica Caraña dicta, quod nomen etiam apud Hispanos retinuit, odore Tacamahaca, sed grauiore. Pinguis est & oleaginosa, ideòque tenax sine multa adglutinatione & colliuatione. Medicamentum nouum est, quod decem annis elapsis primum huc illatum est.

Caraña fa-  
cultates.

EA vtuntur Indi in tumoribus & omnis generis doloribus. Ad eosdem morbos laudatur, quos Tacamahaca curare solet, & minore temporis spatio vires suas exerit: sic vt quos Tacamahaca non curarit, Caraña sanet. Exemplū vidimus in eo qui ob humeri cruciatus iam multo tempore brachium mouere non poterat, tametsi Tacamahaca vsus esset: sed postquam



postquam Caraña vii cœpit, triduo sanitati restitutus est.

MIRA est eius vis in iuncturarum doloribus: nam imposita, facile eos curat, modo nulla sit calidorum humorum influxio. Tumores inueteratos dissoluit, defluxiones humorum frigidorum aut mixtorum sistit: ad quosuis nervorum & cerebri dolores valde utilis. Vulnera<sup>q</sup> recentia, nervorum præsertim & iuncturarum nullo alio admixto medicamento sanat. Defluxiones in oculos & alias partes reprimat, ad aures atque temporibus imposita. Excedit secundum caloris gradum. Colligitur uti superiores, vulneratis arboribus.

SED ex eadem Carthagine noui regni prouincia, allata ad nos est Caraña quadam purior, & Balsami modo limpida, superiore multo præstantior, vtilior, & odorator.

Caraña purior.

#### Oleum Cicinum.

GELISCO nona Hispaniæ prouincia, oleum seu liquor quidam adfertur, cui, oleum ficus infernalis Hispani nomen indiderunt, eo quod ex arbore cum fructu, tum foliis simili Ricino, sed in maiorem altitudinem, ob soli vbertatem, excrescente, elicitur.

Oleum ficus infernalis.

EADEM verò ratione hoc oleum Indi eliciunt, quam docuit Diosc. lib. 1. cap. 30. hoc est, contuso semine, deinde in aqua cocto, postremum oleo innatante cochlearibus excepto. Hæc eliciendorum oleorum ratio est seminibus & fructibus, Indis admodum familiaris est, quippe qui nullam expressionem norint: sed etiam hoc oleum eo modo quam expressione facilius elicitur.

Oleorum eliciendorum ratio.

MAGNIS viribus pollet istud oleum, veluti experientia, & multo eius vsu comprobatum est, cum in India, tum in his regionibus. Omnes morbos ab humoribus frigidis prouocantes sanat, omnes tumores dissoluit, status<sup>q</sup> discutit, præsertim in ventris, eam<sup>q</sup> ob causam non modò in Anasarca vtile, sed in omnibus hydropisis generibus. si venter eo inungatur, & aliquot gutta vino aut alio liquore cōmodo excepta for-

Olei cicini facultates.

beantur; etenim aquas euacuat, quod etiam minore noxa facit, clysteribus iniectum. Ventriculū frigidis humoribus & flatibus liberat: & coli doloribus vtile, si partes affectæ eo inungantur, & aliquot guttula sumantur. Efficacius subuenit Ilei doloribus, vt experientia nos docuit. Dolores iunctionarum, modò à causa non admodum calida proueniant, tollit, humorem euacuando, si aliquot huius olei gutta pingui iure gallinæ dissoluta sumantur. Partes corporis contractas, si eo inungantur, curat, neruos emolliendo, & extendendo. Stomachum, vterum, & lienem obstructionibus liberat inunctione. Aluum puerorum emollit, illito toto ventre, atque ventris animalia pellit, maximè si eius vna aut altera gutta è lacte aut iure pingui propinètur. Ad psoras & vlcera capitis manantia valet: prodest auriū doloribus, & omnibus cutis vitis, varosq; mulierib; plerumq; infestos illitu expurgat.

CALIDVM est initio tertij gradus, humidū secundo,

## RICINVS AMERICVS.





# BITUMEN ET AMBARVM.

9

Hoc ricini genus ego vidi, quod ante aliquot annos ex America ad-  
ferri cœpit, vulgari paulo maius, cuius operimentum seu siliqua illa  
triangula quæ semina continet, tuberculis asperis non est obstita, vt in  
vulgari, sed læuis & cinerei coloris. Ipsum granum siue semen vulgari  
simile, nigrum tamen & non maculosum vt illud, mirifica (vt aiunt)  
purgandi facultate prædium: nam etiamsi dimidia tantum vnus gra-  
ni pars sumatur, valenter superne & inferne purgare referebat qui mi-  
hi dabat, & Curcas istic ab incolis vocari.

Et quandoquidem in ricini mentionem incidimus, videre memi-  
ni, dum Hispanias peragrarem, circa Malacam, & Calpen ad fic-  
tum Herculeum, aliisque maritimis Bæticæ locis, Ricini plantas cras-  
situdine humana, altitudine verò trium hominum, multis prægrandi-  
bus ramis brachiatas instar aliarum arborum: hi rami (multis enim  
annis durat arbor) tertio aut quarto quoque anno putari solent. Ex-  
actissimè sanè conueniebant Dioscor. descriptioni. Refert etiam Bel-  
lonius lib. 1. obseruat. cap. 18. magnas in Creta insula Ricini arbores se  
obseruasse. An verò his similis sit ea arbor quæ Curcas Americorum  
profert, planè ignoro, cum is qui inde fructum cum attulisset, arboris  
formam describere non posset, & cum siccum, qualem hîc exhibeo,  
dumtaxat viderim.

## Bitumen.

IN Cuba inueniuntur fontes iuxta littus maris, Bitu- Bitumen.  
men nigrum manantes, veluti pix, grauis odoris, quo Indi  
in morbis frigidis vtuntur. Hispanis seruit picandis nauibus,  
quia pici nauali similis est, sed seuum admiscet, vt melius  
induci possit. Veterum Naphtham esse puto, cuius duos fon- Naphtha.  
tes Babylone inueniri Posidonius refert, alba & nigra.

Nos eo Bitumine vtimur in vteri morbis, quod eum Bituminis  
suffocatione liberet, naribus admotum, aut vulus inditum. facultates.

CALIDVM est in secundo gradu, & humidum in  
primo.

## Ambarum.

NUNC mittit nobis Florida noui orbis prouincia Am- Ambar gri-  
bar quod vocant Griseum, idque in littus eiectum inueni- seumq.  
tur à Canaueral ad promontorium vsque D. Helena.

VARIA est circa eius originem opinio: sed verissimum Ambar bi-  
est, Bituminis genus esse ex fontibus in alto mari manans, tumen est.  
quod aëri expositum, illico densatur, vt solent pleraque, quæ  
sub ma-

sub marinis aquis tenella & mollia sunt, at aqua exempta, durantur, vt Corallium, Succinum.

SOLVS Simeon Sethi & Aëtius inter Græcos eius minerunt, è quibus prior, Bituminis modo è fontibus suis manare asserit, p<sup>er</sup>sumūq; id esse quod à piscibus deuoretur.

Ambar non  
est sperma  
Balena.

INDE conucllitur eorum opinio, qui Balenarum sperma esse asserunt, ex eo decepti, quod interdum in Balenarum ventriculus inueniatur, quæ illud aquis innatans nonnumquam deuorant, alimentum esse existimantes.

VERVM est, meo tempore Balenam circa Canarias, quas fortunatas insulas putant, captam, in qua inuenta sunt plus quàm quatuor Amburi libre: postea tamen infinitas Balenas cum suis catulis interfecerunt, sed nihil Ambari in eis inuentum est.

NON desunt qui Ambar ex fructu quodam ad maris litus nascente fieri dicant, qui Aprili & Maio mensibus maturefcit, & odoratus est, quem decidentem vorant Balenæ, quasi fructus in alimentum cedens, aliud quàm sanguinem & carnem generare possit.

Ambari de-  
lectus.

OPTIMI delectus est, vt nonnihil ad rubedinem tendat, album non aequè bonum, nigrum deterrimum.

EXCALFACIT, resoluit, roborat, quocumque tandem modo applicetur: nam calidi est temperamentii & sicci, cum pinguedine quadam, quæ illi facultatem emolliendi tribuit.

Ambari fa-  
cultates.

VARIÆ sunt Ambari facultates: nam cum oleo florū mali Arantij siue Assyrij in calente mortario permixtum, & vnguenti modo capiti illitum, illius dolorem lenat, cerebrum roborat & nervos, & frigidos qui infracti sunt humores resoluit: ad eadem efficax, emplastri modo cum Alypta muscata assidue gestatum.

EIVS solius, aut cum moscho & ligno aloës permixti olfactu, cerebrum roboratur, memoria augetur, spiritus vi-  
gor &



gor & cordis vires reficiuntur : ideoque in pestis contagiis eius odor adprime utilis est , nec minus his qui frigidis defluxionibus vexantur , conuenit , si capitis tegmina atque etiam cubiculum vbi dormiunt , per hiemem eo suffiantur .

MAXIME prodest senibus , quod illorum spiritus vegetet , cor & cerebrum roboret , & crassos lentosq; humores , quibus plurimum abundat , extenuet , siue cibis indatur , siue vestes suffiantur , siue cerebro cordisq; regioni applicetur . siue vino , quo sibi faciem & manus abluant . permisceatur .

SCOBIMagnetis , galbanoque miscetur , & emplastri modo mulierum vmbilico impositum , vterum suo loco retinet , & reliquos eius morbos profligat : eius autem assiduus odoratus prodest vteri procidentis , suffocationibus vero , in Liquid-ambar dissolutum , & xylo exceptum , vterique ori inditum .

STERILITATI à frigidis humoribus orta , hac compositione mederi soleo , que recipit Ambari partes duas , rasura eboris tenuissimè trita vnam , pulueris ligni aloës partem dimidiam , cum algali momento sunt catapotia , quorum tria pendencia drachmam vñā singulis triduis dantur , & emplastrum vmbilico , pessum vteri colo imponetur , purgatis tamen prius vti decet .

Catapotia  
pro sterili-  
bus.

Ex eo , alypta moschata , & styrace fit emplastrum scuti forma , quod stomacho adpositum , eum doloribus liberat & excalfacit . Ex eadem massa facta pilule , & mane sumptæ , flatus discutiunt , concoctionem iuuant , & appetentiam excitant : idem prestat ex vino odorifero mane sumpta hæc massa .

Emplastrum  
ex ambaro.

Catapotia  
alia.

TRITVM ambar & cera lutea exceptum , cordis regioni utilissimè imponitur , ad sedandos dolores à flatibus aut alia quouis causa (modò calida non sit) provenientes .

EADEM ratione qua senibus , melancholia laborantibus etiam conuenit , & paralyticis , si eo aut eius mixtura suffiantur ,

12 LIQUID-AMBAR, ET EIVS OLEVUM.

suffiantur, aut cerebrum, totaque spina eo inungantur: et enim Ambar præ ceteris medicamentis nervos et cerebrum roborat. Quinetiam epilepticis fumus illius, naribus exceptus, conuenit, siquidem eos excitat, & si assidue id odorentur, non tam facile, neque tam vehementer eo morbo corripiuntur.

Ambar inebriat.

ILLUD admiratione dignum, quod Simeon Sethi scribit. Si quis Ambar odoretur antequam vinum bibat, eum veluti ebrui ferri, si verò iniiciatur vino, maxime inebriare.

Liquid-ambar & eius oleum.

RESINA quam Liquid-ambar, & oleosum quiddam, quod oleum de Liquid-ambar, vocamus, ad nos ex Hispania noua adferuntur, vtrumque odoratissimum, præferim oleum, quod delicatioris & suauioris est odoris.

Liquid-ambar.

●coçol.

EST verò Liquid-ambar resina collecta per incisionem ex arboribus vastæ magnitudinis, pulchris & ramosis, cuius folia hederaceis similia sunt, Ocoçol Indi vocant, cortice crasso, cinereo, qui incisus aut vulneratus crassum Liquid-ambar eiacularatur, cui cortex comminutus, odoris causa admiscetur, vt scilicet suauius & diutius spiret in suffitibus.

VBI nascuntur eiusmodi arbores, fragrantissimus est æris odor, adeo vt Hispani primum eo appellentes, istic aromata nasci, atque adeo eas aromatiferas esse arbores existimarent.

TANTA quantitate in Hispaniam infertur Liquid-ambar, vt mercium vicem suppleat, vtribus & doliis eo impletis: eo etenim hic vtimur in suffitibus, odoramentis, pastillis, Styracis liquida loco, cuius odor proxime ad hunc accedit: adeo autem validus est, vt celari, etiam suffitibus non additum, non possit, & totas ades, si eius sit copia, atque adeo plateas suo odore impleat.

Liquid-ambar facultates.

PLURIMVS in medicina eius vsus est: nam calfacit, roborat, resoluit, & anodinum est. Cerebrum, per se illi-

tum, aut



LIQVID-AMBAR, ET EIVS OLEV. 13

tum, aut aliis aromatibus admixtum, roborat, & doloribus liberat, omnigenosq; dolores à causa frigida, vt emplastrum impositum, mitigat. Ventriculo adprimè vtile, stomachicè modo adhibitum: etenim ipsum roborat, concoctionem iuuat, digerit, concoquit, & appetentiam excitat.

CVM Syracis, Ambari, & Moschi momento mixtum emplastri consistentia, & scuti forma super alutam extensum, omnibus predictis morbis maxime prodest, eiusq; emplastri ob insignes facultates in hac vrbe laus est. Calidum in fine secundi gradus, humidum in primo.

EX eo recens collecto, & eo loco posito, vt per se tenuior eius substantia stillare possit, oleum quod de Liquid-ambar nuncupant, elicitur, multo perfectissimum, eoq; longè suauius. Sunt qui expressione etiam eliciant, vt maiorem quantitatem colligant, nam chirothecis imbuendis plurimum absumitur.

Oleum de  
Liquid-am-  
bar.

VTILE est medicamentum ad plerosque morbos frigidos; nam calfacit, resoluit, et omnem tumorem emollit: itaque vteri tumoribus, obstructionibus prodest, mensesq; prouocat. Calidum serè in tertio excessu.

Eius facultates.

SCIENDVM tamen est, plerosque hoc ex India inferre non perinde bonum, quoniam è ramis eius arboris comminutis et coctis, pinguedinem innatantem colligunt, venduntque pro legitimo.

EIVS arboris pampini & summitates in fasciculos collecti vestibibus & stragulis, ab Indis inseruntur, odoris gratia, in eumque vsu Hispanis etiam vendunt.

Balsamum.

LAUDATISSIMVS ille liquor, qui, ob excellentes & mirabiles effectus, Balsamum, ad veri Balsami (quod in Aegypto nascebatur) imitationem, nuncupatur, in Hispania noua elicitur ex arbore Punica malo maiore, cuius folia vtri-

Balsamum.

folia vitæ similia, serrata & tenuia sunt, Indi Xilo [Gomara Zilo] vocant.

Balsami ex-  
trahendi du-  
plex ratio.  
Prior.

Alter.

**FIT** autem duobus modis. Vno, multis incisuris vuln-  
rato arboris cortice, qui tenuis est, è quibus liquor emanat,  
tenax, subalbidus, excellentissimus & perfectissimus, sed  
admodum paucâ quantitate, vt ad nos non inferatur. Altero, In-  
dis admodum familiari, in eliciendis succis ex quavis arbo-  
re. Ramos atque etiam truncos arboris assulatim & minu-  
tim concisos, in lebetem amplissimum iniiciunt, multa de-  
super adfusa aqua: bulliunt omnia & seruent quantum sa-  
tis esse putant, igne sublato frigesce-  
re sinunt, & conchyliis  
oleum supernatans colligunt. Id verò est, quod in has regio-  
nes inuehitur, & quo vulgo vitmar, colore ex nigro rubente,  
odori suauissimi. Vasculis argenteis, vitreis, stanneis, aut si-  
cilibus vitratis asservatur, aliam omnem materiem pe-  
netrans.

**I**n medicina huius vsus receptus est, non nuper inu-  
nitè, sed statim eo ferè tempore quo Hispania noua nobis patefacta  
est: nam cum Hispani Indos sua vulnera hoc succo glutina-  
re animaduertent, illos statim imitari cœperunt.

Balsami æ-  
stimatio.

**C**um primum in Hispaniam illatum est, ob eius insi-  
gnes facultates magna fuit, vt decet, æstimatio: eius vn-  
cia nunc viginti, nunc decem ducatis æstimabatur; at nunc  
temporis eius libra non pluris quàm tribus aut quatuor du-  
catis æstimari solet. Romam primum delatum, eius vncia  
centum ducatis venit: postea, tanta eius quantitate illata,  
vilescere cœpit, & etiam gratis quodammodo dari, vt solet  
in rerum abundantia siue raritate plerumque contingere.  
Nam cum magno veniret, omnes eius virtutes admiraban-  
tur atque requirebant: postquam verò eius imminutum est  
pretium, non æstimatur, cum tamen idem Balsamum sit  
quod fuit cum centum ducatis vncia venderetur.

**E**t sanè, licet nihil aliud nobis intulissent India; quàm  
hoc mira-



hoc mirabile Balsamum, Hispanorum tamen labor in illis inuestigandis non inutilis existimandus est: etenim iam multis annis periit id Balsamum quod in Aegypto nasci solebat, nec vsquam gentium amplius inueniunt: idcirco nobis Deus opt. max. eius loco Balsamum noue Hispanie dedit, quod meo iudicio inferius non est Aegyptiaco, si mirabiles eius effectus & vtilitates consideremus.

TRIFARIAM vero in medicum vsum recipitur: Balsami triplex vsum.  
nam aut interius assumitur, aut exterius inducitur, aut medicamentis chirurgicis admiscetur.

INTVS assumptum mane ieiuno ventriculo, asthmaticis vtile est, & vesicae doloribus: menses etiam ciet, vt & pessi modo subditum. Eius quatuor aut quinque guttule vino aut aqua rosacea in cochleari excepte & diluculo sensim in guttur instillata, sic vt linguam non contingant (nam Balsami sapor diutius in ore harena forsitan nauseam etiam moueret) veteres stomachi dolores finiunt, eumque roborant, coloremque commendant & anhelitum. Iocinori prodest, obstructions aperit, atque iuuentam conseruat. Magna existimationis vir mihi probe notus, ab eius vsu nullos dolores sensit, & tametsi senex, tam validus est, vt iuuenis videatur. Phthisicos leuat, & steriliu vterum expurgat; pessi modo adhibitum. Interius assumptum.

FORIS, calidum cum plumula illitum, omnes cruciatus ex humoribus frigidis prouenientes tollit, praesertim si linteu Balsamo delibutum adponatur. Tumores adematodes discutit & absunit: quamlibet corporis partem roborat. Capiti illitum, cerebrum rescit & fouet, omnemque humorem noxiu absorbendo, dolores tollit. Paralyticis succurrit, cerebro, ceruice, spina, & ea parte qua paralyti tentata est, inunctis: eadem ratione, ad omnes nervorum morbos & contractions vtile est. Stomacho illitum, eum roborat, concoctionem inuat, & flatibus obstructionibusq; liberat, sicuti

Foris additum.

rat, sicuti & Lienem, quem etiam emollit. Nephritidem, nec non ventriculi dolores à causa frigida aut flatibus ortos, calidum loco dolenti impositum sedat: idem præstat pan- calido inditum, sicq; adpositum. Vrinam ciet & expellit il- litum. Summè laudatur in articulorum doloribus, præser- tim coxendicum, quod omnem duritiem & tumorem resi- duum discutiat.

Cheirurgi-  
cis medica-  
mentis indi-  
tum.

CHEIRURGICIS remediis inditum, valde vtile est: & quia molestum esset omnia enumerare, eius iudicio ea relinquo, qui eo vtetur, vt id scilicet aliis medicamentis commisceat, quæ ad rem vtilia esse indicabit. Vulgare sanè admodum est eo in recentibus vulneribus vti; nam statim ea sine suppuratione glutinat, quinetiam in iis vtile, vbi contu- sio adglutinationem impedit; quod statim digerat, & reli- qua præstet quæ ad vulneris vsque glutinationem necessa- ria sunt, vt non abs re Pauperum cheirurgia censerì possit: eaque de causa pauca sunt in hac vrbe ades, in quibus non seruetur Balsamum. Nerviurum, iuncturarumque vulnera præ reliquis medicamentis ad cicatricem perducit, contra- ctionemq; prohibet. Capitis vulnera curat, modò cranium illæsum sit: sic etiam omnia recentia vulnera in qualibet corporis parte, modò sint simplicia. Antiqua vulnera, per se, aut cum alio vnguento impositum, mundificat, & ad cica- tricem perducit. In diuturnis febribus, spina eo calente inun- cta dimidia hora ante paroxysmum, & illico quinque aut sex guttis eius in vino sumptis modo prædicto, horrores dis- cutiuntur, si ter aut quater id remedium repetatur.

GVSTV est acuto, & aliquantulum amaro: vnde colligere licet, adstrictionis particeps esse, calidum & siccum in secundo gradu.

Balsamum  
purius.

NVNC ex noui orbis continenti magna quantitate inferri cæpit Balsamum per incisionem extractum ex ar- boribus iis similibus quæ in noua Hispania nascuntur, vbi  
Balsamum.



Balsamum decoctione colligitur. Sunt autem ea arbores va- Balsami at-  
boris histo-  
ria.  
ste magnitudinis, et ad radicem vsque ramosa, duplici septa  
cortice, altero crasso Suberini modo, altero tenui, interno,  
materiem arboris amplectente. Ex eo quod inter vtrumque  
corticem est spacio, incisione Balsamum educitur, alba limpi-  
dissimaque lacryma suauissimi odoris, qui insignes eius fa-  
cultates statim prodit. Et certum est eius guttulam potiore[m]  
esse, alterius quod decoctione extrahitur libra, tametsi mira-  
culosos eius viderimus effectus.

Huius fructus (qui penes me est) exiguus pro arboris Balsami fru-  
ctus.  
magnitudine: etenim ciceris aut pisi grano maior non est,  
amari gustus aliquantulum, inclusus extrema siliqua angu-  
sta, digitum longa, alba, & tenui. Eo fructu sese suffiunt  
Indi, ad capitis dolores & defluxiones.

#### Resina abiegna.

IBIDEM etiam colligitur liquor siue resina, quam a- Resina Bal-  
sami facul-  
tatibus præ-  
dita.  
biegnam vocat, ex arboribus spariis, quæ neque Pinus, neque  
Cupressi dici possunt, sed Pino altioribus, & Cupressi modo  
rectis. In harum arborum cacumine vesicula quedam ena-  
scuntur nunc magnæ, nunc parvæ, quibus confractis guttatim  
stillat liquor admirandus, quem Indi diligenter conchis exci-  
piunt, sed tanto labore & molestia, ut multi viri exiguam  
admodum quantitatem singulis diebus cogant.

Eius usus est in omnibus ad quæ Balsamum conuenit:  
siquidem vulnera optimè curat, dolores ex materia frigida  
& flatulenta progenitos mitigat. Vtilis item est stomachi vi-  
tiis ab humore frigido aut flatibus, sumpta ex modico vino  
albo, ut in Balsamo edocuimus.

#### Resina Carthaginensis.

Nunc etiam nobis mittit Carthago noui orbis pro- Resina Car-  
thaginensis,  
& eius fa-  
cultates.  
uincia resinam quandam purissimam & odoratissimam,  
abiegna aut Terebinthina Veneta multò præstantiorem, ii-  
dem facultatibus seu maioribus præditam, quam sit. sele-  
ctissima

*Etissima Terebinthina. Experientia docuit, vtiliter iniici neruorum, articulorum, pedumque vulneribus, & antiquis vlceribus: magno etiam commodo, ea elota & praparata matrona sibi faciem oblinunt.*

Tabaco.

PLANTA Tabaco antiquitus in vsu fuit Indis, Hispania praesertim noue accolis, ad vulnera curanda. Paucos ante annos in Hispanias delata, magis ad ornandos hortos, quam ob eius facultates: nunc vero multo celebrior est ob facultates, quam propter elegantiam,

Picielt.

Tabaco.

Tabaco historia.

NOMEN legitimum apud Indos est Picielt: nam Tabaco nomē ab Hispanis illi inditum, ab insula quadam eius nominis, vbi frequentissima nascitur.

MAGNA altitudine assurgit, & interdum malum Assyriam, quam Limonem vocat, aequat, caule recto, multis praegrandibus ramis brachiato: folio mali Assyriae ferè, sed ampliore, veluti Oxylapathi, colore viridi dilutiore, & aliquantulum hirsuto, vti tota planta est. Florem fert in summis ramis Campanulae modo, candidum, medio purpurascens, quo decedente succedunt veluti capitula papaueris nigri, quibus continetur semen valde exiguum, colore ex cinereo nigricante. Radix crassa est & multifida, & lignosa, intus crocea & amara, quae facile cortice suo delibratur: non intelleximus tamen aliqua facultate praeditam esse.

Tabaco naturales.

NASCITVR plerisque Indiae locis, humidis praesertim & vmbrosis, & ex culto leuig. solo. Seritur omni tempore: cum vero prodiit, à frigore praeseruanda est, & secundum parietes plantanda ad eorum ornatum: siquidem toto anno viret, Citriorum modo.

FOLIORVM dumtaxat est vsus (tamen si eorum defectu quidam semine vtantur) eaq; vt asseruari possint, filo traiecta in vmbra suspenduntur & siccantur, deinde iis, aut integris, aut in puluerem tritis, vtuntur.



**CALIDA** & sicca est in secundo gradu : itaque calfacit, resoluit, mundificat & aliquantulum adstringit, vt ex sequentibus facultatibus iudicare licebit.

**FOLIA** huius plantæ calefacta & imposita, præsens in Cephalæa & Hemicrania sunt remedium, si morbus ex causa frigida aut flatibus ortus sit: sæpius verò sunt repetenda donec morbus tollatur: sunt qui caput oleo florum mali arantij prius inungant. Idem remedium rigidis ceruicibus siue Tetano vtile est, & in totius corporis doloribus ab eadem causa ortis.

Tabaco facultates variæ.

**DOLORES** dentium à causa frigida non modò finit, dente prius deterso aliquo linteo eius succo delibuto, & pilula ex eius folio confecta denti indita, sed etiam, ne corruptio serpat, prohibet.

**PECTORIS** vitis, tussis veteri, asthmatis, & similibus ex frigido humore ortis morbis, foliorum decoctum ex aqua, & eclegma ex eius decocto, vtilia sunt. Serapiū ex saccharo & foliorum eius decocto paratum, paucāq, quantitate sumptum, putres humores pectoris euicit. Asthmaticis interdum fumus eorum ore exceptus opitulatur: sed necessarias euacuationes præcedere opus est, si mora ferri possit.

Serapiū ex Tabaco.

**SUB** cineribus calefacta folia, & sordida non excusis cineribus, calidāq, sæpius imposita, ventriculo perfrictionibus & flatibus laboranti auxilio sunt. Viridia folia alij manibus oleo inunctis confringunt, & sic imponunt. Ventriculi & Lienis obstructionibus folia pauxillo aceto intrita, diuūq, illita vtilia sunt; quibus deinde folia calefacta, aut lineus pannus succo foliorum calente intinctus, superimponuntur. Foliorum defectu, puluis communi vnguento obstructiones aperiente excipitur, & pars obstructa, aut tumore affecta diu inungitur.

**INDICA** mulieres valde commendant in puerorum, & etiam grandiorum stomachi cruditatibus; nam ventre

Cruditatibus ventriculi.

inferiore prius inuncto oleo lucernarum, & foliis sub cineribus calefactis altero ventriculi regioni, altero tergori quæ ventriculum spectat, positis, eas cōcoquant, & aluum emolliunt, si quoties opus erit renouentur. Latas & teretes ventris tineas expellit foliorum succus cum saccharo coctus, & depuratus, pauca quantitate sumptus: vmbilico tamen etiam imponendum folium tritum, & aluus deinde clystere eluendus.

Nephritidi.

NEPHRITICIS doloribus, folia sub cineribus, vt antè calefacta, & quàm calide fieri potest adposita, magnum adferunt leuamē, idem remedium quoties opus erit repetendo. Commode etiam clysteribus iniiciuntur, atque etiam fomentationibus, & emplastris admiscebuntur.

Vteri suffocationi.

IN suffocationibus vteri, folia probe calefacta, & vmbilico, vterique regioni imposita, præsens adferunt remedium: quod si (vt fit interdum) animi deliquium subsequatur, fumus illorum naribus obiiciatur, ilico liberabitur: quod remedium Indicis mulieribus adeo vulgare est, vt ea de causa Tabaci folia diligenter adseruent & magnifaciant. Sunt verò qui odorata vmbilico prius admouent, deinde folium. Maxime autem conferunt aut Tacamahaca, aut oleū de Liquidambar, aut Balsamum, aut Caraña, aut ex his omnibus emplastrum constans, & in vmbilico assiduè gestatum.

Articulorum dolori.

ARTICVLORVM doloribus (modo humores frigidi sint, vel saltem non nimium calidi) efficacissimè folia calida adhibentur, aut eorum succo pannus lineus intinctus: etenim humores resoluunt & digerunt, ideoque etiam tumoribus oedematodis foliorum succo calido prius elotus, vtilissimè imponuntur.

Tabaco alexipharmacum est.

PERNIONES sanare, si ter aut quater huius plantæ foliis fricentur, deinde pedes & manus aqua calida cum sale abluantur, experientia docuit.

VENENIS, & toxico perniciosissimo, quo Cannibales suas sagit-

# T A B A C O.

suas sagittas illinunt, resistere, paucis abhinc annis experti sunt nonnulli: n. m. ante, sublimatum vulneribus inspergere solebant. Toxicum autem vires infringere hac ratione sciuerunt Hispani.

CONTIGIT vt quidam Cannibales in suis cymbis ad D. Ioannem de portu diuite nauigarent, Indorū, atque etiam Hispanorū (si quos reperissent) telis suis venenatis conficiendorum causa. Eo appellentes, Indos & nonnullos Hispanos conficiunt, plerosque autem vulnerant: cum verò sublimato carerent, a quodam Indo edocti sunt, vt Tabaci succum expressum suis vulneribus imponerent, & ipsa deinde folia trita: sedati sunt ilico dolores, & ea symptomata quæ huiusmodi venena subsequi solent, venenum superatum, vulnera deinde curata. Ex eo, foliis huius plantæ aduersus venena vii ceptum est. Rex ipse Catholicus, eius vires experiri volens, cani vulnus infligi iussit in gutture, & toxico, quo venatores vtuntur, illini, & paulo post foliorum Tabaci succum satis copiose instillari, & ipsa folia trita supra vulnus ligari: liberatus est canis non sine omnium admiratione.

Occasio experiendi Tabaci aduersus venena.

EODEM modo venenatis pestiferisq; carbunculis imposita crustas inducunt, deinde curationem adserunt: & adictus morsusq; virulentorum animalium præsens sunt remedium.

Carbunculis.

RECENTIBVS vulneribus imposita, ilico sanguinem sistunt, eaq; glutinant: quòd si maiuscula sint, vino prius eulentur, & labiis vulnerum coniunctis, succus foliorum inspergetur, & ipsa folia trita supra vulnus alligabuntur: postmodum reliquisque subsequentibus diebus idem ordo seruabitur, victusq; ratio necessaria.

Recentibus vulneribus.

VETERA vlcera, Gangrenasque succus instillatus, & folia trita imposita detergent, curant, & ad cicatricem perducunt, purgato videlicet prius corpore ex medici consilio, & missione etiam sanguinis, si necessaria sit, facta: deinde obseruata qua conuenit victus ratione.

Gangrenis.



Animalium  
vulneribus.

**PORRO** non modo in hominibus eiusmodi vlcera curare, sed etiam in animalibus ipsa experientia docuit : nam per vniuersam Indiam frequentia vlcera vaccas, boues, & alia animalia infestant, quae facile ob regionis humiditatem extremam putrescunt & vermibus scatent : quibus solebant inspergere sublimatum, melioribus remediis destituti : sed cum magno istis veneat, plerumque quod vlceribus inspergebatur, pluris constabat, quàm animal quod curabatur, aestimari potuisset : Itaque Tabaci facultates in hominibus experti, illius etiam vsum ad putrida, foetida, vermibusque scatentia animalium vlcera transtulerunt, atque adedò compererunt, succum eius instillatum, non modò vermes necare, sed etiam vlcera mundare, deinde ad cicatricem perducere : prodest etiam iumentorum exulcerationibus, ideòque Indi Tabaci puluerem semper circumferunt.

Polypo.

**QVENDAM** noui natiū vlcere laborantem, è quo sanies manabat, non sine contagij suspitione : meo consilio instillauit foliorū Tabaci succum, à secundi instillatione multi vermes exciderunt, deinde pauciores, & post aliquot dies sanatiū est vlcus, sed quae erosa erant, non resituta. Illius etiam foliis impetigines, & capitis scabies vtiliter confricantur.

Tabaci fumus Indis  
frequent.

**HÆC** est celebrata illa Indicis sacerdotibus planta, quae vti solebant ad responsa danda. Etenim apud Indos moris erat Sacerdotes de bellorum euentu, alijsq; magni momenti negotiis consulere. Consultus sacerdos, istius plantae folia sicca vrebant, & eorum fumum tubulo seu cannula quadam in os excipiebat, deinde quasi in extasi quadam raptus, cadebat, omni motu priuatus ; sicq; permanebat aliquamdiu. Discussa eius fumifacultate, ad se redibat, referebaturque negotium cum demone contulisse, & responsa dabat ambigua, ut, vtrumque euentus succederent, illis facile persuaderet, sic se pradixisse : eoq; modo barbaros illos homines miserè decipiebant.

CÆTERVM vulgus etiam Indorum eum fumum per os & nares recipit animi gratia, cum in somnia videre interdum, & extra se quasi rapi volunt, & etiam de suorum negotiorum euentu, ex insomniis que illis apparuerint pronuntiaturi.

AT non est recens, plantas quasdam inueniri, que manducate, aut intrò assumptæ, vanas species & imagines obuersari faciant. Siquidem Diosc. cap. de Solano manico, seu *Solanum* furioso, eius radicem drachmæ pondere ex vino potam, facere species vanas imaginesq; non iniucundas obuersari scribit, sed duplicatum eius modum ad tres vsque dies, mentis alienationem asserre, quadruplicatum interimere. *Anisum* Anisum. si quis dormiturus edat, somnia excitari iucunda & suauia: contra Raphani esu, grauiæ & turbulenta. & sic de plerisq; *Raphanus*. que aliis.

GARCIAS ab orta resert Banguæ planta succum aliis Banguæ admixtum, mentis alienationem facere, in somnia excitare, & omni solitudine liberare, veluti etiam Opium, quod Orientalibus Indis admodum familiare est. *Opium*.

SIC & nostri Indi, oneribus ferendis aut aliis laboribus defatigati, Tabaci fumum hauriunt, & ilico, quasi mente alienati, corruunt: excitati verò, resocillatos eo somno, & vires recuperatas sentiunt. Eorum exemplum secuti Acthiopes pro mancipiis educti, nimis frequenter eum hauriunt; quo fit, vt eorum domini egregie eos castigant, & illorum Tabaco exurant, quo illis animum auferant sapius illo vtendi.

VSVS est etiam Tabaci apud Indos, famis sitisq; sedanda gratia hoc modo. Conchylia quedam cochlearum fluuiatilium vrunt, deinde atterunt calcis modo; huius & soliorum Tabaci aquas partes sumunt, manduntq; donec ex utrisque massa quedam fiat, quam in pilulas piso maiores confingunt, atque in vmbra siccant, & in vsum reponunt.

*Pilula famem sitimque sedantes.*

Facturi iter per desertam, ubi neque cibum, neque potum inuenturos se putant, eas pilulas secum deferunt, ex iis vnam inter labrum inferius & dentes reponentes, eius liquorem assidue sorbent, ea absumpta, aliam reponunt, atque item aliam, donec peregrinationem absoluant, triduanam interdum, aut quatruiduanam; atque ea ratione toto eo tempore neque famem sibi molestam esse, neque sitim asserunt: cuius causam esse puto, quod sorbentes assidue pilulas illas, etiam humores pituitosos è cerebro eliciunt, qui deglutiti & in ventriculum demissi, naturalem eius calorem humectant, sed ab eo tandem absumuntur, aliorum ciborum defectu: ut in multis animalibus obseruare licet, quæ tota hieme in suis latibulis se continent sine alicuius alimenti copia, quia calor naturalis occupatus est in pinguedine absumenda, quam æstatis tempore collegerunt.

HÆC sunt quæ de celeberrima hac planta Tabaco, eiusque facultatibus colligere potui.

Petum.

Nicotiana.

Herba Regina.

Herba sancta.

Perebecnuc.

Petum historia.


Petum genera duo.

BRASILIANIS, à quibus semen primum in Lusitania delatum, hæc planta dicitur Petum; Galli, quod D. Ioannes Nicotius, Regius aliquando in Lusitania Orator, eius semen primum ad Reginam matrem detulerit, illiusque facultates docuerit, Nicotianam & Perbam Reginæ nominarunt. Alij, Herbam sanctam, ob insignes eius virtutes, nuncuparunt. Ouidius lib. Hist. xj. cap. v. in Hi paniola insula, ubi copiosè tum temporis nascebatur, Perebecnuc vocari tradit: mihi cum Hyoscyami nigri descriptione plurimum conuenire videtur.

EST vero ea planta trium aut quatuor cubitorum altitudine, interdum amplior, multis alis crassisque ramis concaua, folia numerosa, ampla, densa seu carnosa, pinguis, graui odore, feruido & acri gustu. Flos extremis ramis nascitur copiosus, ex albo purpurascens, oblongus & tubæ in modum concauus, extrema parte latus & pentagonus, cuius color frigoris magis intendi solet. Huic succi dunt filiquæ Digitali ferè similes, semine plenæ ex rufo nigricante, pusillo, Papaue-riis multo minore.

EST vero duo sunt genera. Nam vnum amplo latoque est folio, interdum cubitali longitudine, pedali que latitudine sine pediculo, caulem amplectente. Id altius assurgit, & flos ordine per ramulorum longitudinem illi nascitur, dilutior aliquantulum. Alterum paulo minore est folio, Solano, quod Bellam donam vulgò vocant, simili, sed acutiore, longoque pediculo ramis in hærens: flores huic veluti per umbellam nascuntur saturatiore aliquanto. Vniuique radix ignota est & multifida.







## HERBA IOANNIS INFANTIS. 27

**FLORET** calidioribus regionibus Iunio & Iulio, semen Septembri maturefcit (vidi in Lufitania tota hieme florentem) at hîc à mense Augufto in hiemem vîque floret, & fubinde semen profert, deinde primo gelu flaccelcit, peritque tota, neque hieme afſervari poteft, niſi admodum difficulter, vel in fîctilibus aut capſis ligneis.

**NASCITVR** omni ſolo, & ſemel ſata, ſemenque ad maturitatem perducens, ſeipſam deinde ſerit, nec opus habet alia ſacione. Sitamen ſerenda erit, Auguſto aut Septembri id fiat, quoniam ſemen exiguum diutiſſimè ſub terra latet antequàm germinet: & Martio aut Vere ſata, primùm Auguſto germinat.

**APVD** nos diligenter colitur, non tam ornatus gratia, quàm ob inſignes facultates, præſertim à nobilibus quibuſdam matronis rei herbaria ſtudioſis, quæ foliis eius recentibus, aut in vmbra ſiccatis, & ſtillaticio illorum liquore vitreis organis extracto, frequenter vtuntur ad vlcera antiqua, putrida, maligna, gangrænas, ſcabiem, impetigines, lichenes, oculorum nebulas, felici cum ſuccellu, multisque miſeris ruſticis auxilio ſunt.

**SUNT** qui eius folia ſingulis diebus mane à ieiun's mandi iubent, vt podagra liberetur, quoniam multam pituitam in os attrahat, eamque in partes inferiores deſluere prohibeat.

**CAROLVS** Stephanus in prædio ruſtico Gallico lib. 2. cap. 76. experientia comprobatum eſſe ſcribit, eius folia ſtrumis vtiliter illini, eiusque ſtillatitium liquorem aſthmaticis auxilio eſſe. In ſumma, Panacea quædam eſt ad omnis generis morbos.

**ALIUD** eius genus, per omnia minus, folio rotundiore, nec hirtuto pinguius, licet ſucculento, flore minore, & per extremum rotundo, pallescete, ante viginti annos Europæ innotuit, Dodon. Hyoſcyamum luteum nuncupavit. Ad pleraque conferre etiam exiſtimatur, verùm ſuperiore longè imbecillius.

### Herba Ioannis Infantis,

**HIC** prætermittenda non videtur ea planta qua uſi ſunt ij qui Hiſpaniam nouam nobis aperuerunt, in curandis vulneribus. Cuius uſum primus oſtendit Indus quidam Hiſpani ſamulus, nomine Ioannis Infantis, à quo hæc planta denominata eſt.

**EXIGVA** eſt planta, foliis Oxalidis, aliquantulum villoſis, ſive hiſpidis.

**VIRIDIS** præmanſa aut trita, vulneribusque impoſita, ſanguinem ſiſtit, eaque conglutinat. Neruorum aliarumque partium vulnera digerit, & mundat, & demum ad cicatricem perducit. Iſde viribus pollet ſicca in pollinem redacta.

Radices venenis aduerſantes.

**Ex** Charcis prouincia Perùana, radices quadam aduehuntur

Herba Ioannis Infantis.

Eius hiftoria.

Facultates.

Radix venenis reſiſtens.



uehuntur Iridis radicibus valde similes, sed minores, & ficulnei folij odore.

Contrayer-  
na.

HISPANI Indias inhabitantes Contrayerua appellant, quasi dicas alexipharmacum, quoniam earum pulvis ex albo vino sumptus, aduersus omne venenum, cuiuscumque tandem sit generis, presentissimum est remedium, (vno sublimato excepto, quod sola lactis potione extinguitur) vomitione illud reicere faciens, aut per sudores euacuans. Sed & amatoria pocula, eo puluere hausto, reiciunt. Ventris etiam animalia pellit.

Tempera-  
mentum.

GVSTATA radix, aromaticum quiddam sapit cum acrimonia coniunctum: quare calida videtur secundo gradu, Guayacan.

TRIA ex Occidentali India deferuntur hodie toto orbe celebratissima, quorum in Medicina facultates adeo insignes reperta sunt, vt numquam auditum sit, tam incurabiles morbos vllis aliis medicamentis sanatos fuisse, nempe, Lignum quod Guayacum vocat, Radix China, Sarcaparilla. De China, quae à Lusitanis ex India Orientali adferri putatur, suo loco dicemus. Auspicabimur itaque à Guayaco, veluti primo medicamēto ex Indiis delato, & omnium optimo, vt ipsa experientia & multorum annorum vsu comprobatum est.

Guayacan.

GVAYACAN, à nostris lignum Indicum dictum, abundanter nascitur in Insula S. Dominici, quae fuit prima noui orbis ab Hispanis occupata: cuius vsus primum hac ratione nobis innotuit.

Lucis vene-  
re.

MAGNIS doloribus morbi Gallici (quem ab Inda muliere nactus erat) Hispanus quidam torquebatur, eius famulus Indus, in ea prouincia Medicum agens, aquam Guayaci illi propinauit, qua non solum magnis illis cruciatibus liberauit, sed pristina sanitati eum restituit: eius exemplo, plurimi alij Hispani simili morbo infecti, curati sunt. Eius morbi

morbi cura Hispali statim euulgata est, ab iis qui ex ea insula redierunt; hinc per totam Hispaniam, & inde per vniuersum orbem, quem hac scabies occuparat. Et certe in hoc morbo curando, nullum est medicamentum eo præstantius aut certius: nam si, vt decet, procedat curatio, & suo tẽpore ista aqua propinetur, certissimum est, ei morbo sanitatem perfectam adferri; nec recidiuam eum pati qui tali morbo laborabat, modò in idem cœnum non se prouoluat denuò. Sicq; Deo visum est, vt vnde manauit morbus, inde adferretur remediũ: nam ex Occidentali India primum huc perlata est eius morbi origo, præsertim autem ex insula S. Dominici, vbi hic morbus aded familiaris est, veluti nobis sunt papula seu morbilli, neque eius contagium magnoperè quifquam reformidat. In hũc autem modum propagatũ fertur.

ANNO salutis humane 1439. eo bello quod Neapoli gestum est à Rege Catholico aduersus Gallie Regem Carolum cognomine magno Capite, Christophorus Colonus, ex prima illa profectione, quam noui orbis conquirendi causa susceperat, rediit: & inuentis S. Dominici aliisq; insulis, inde Neapolim (vbi tum Rex Catholicus erat pace cum Gallo facta) viros & mulieres deduxit. Commeantibus vltro citroq; exercitibus, Hispani primum cum Indicis mulieribus, & Indi cum Hispanis consuetudinem habuerunt: deinde in Italos & Germanos serpsit hoc malum, postremò etiam ad Gallos, & sic per vniuersum orbem.

INITIO diuersa nomina sortitum est. Hispani existimantes à Gallis contagium venisse, morbum Gallicum nuncuparunt; Galli contra, Neapoli se consecutos esse putantes, Neapolitanum vocarunt; Germani, ex Hispanorum contubernio hanc scabiem ad se manasse videntes, Scabiem Hispanicam appellarunt; alij Serpiginem Indicam, eamq; verissimo nomine, cum inde prima sit huius mali origo. Inter primarios tamen eius atatis Medicos, varie opiniones fuerunt de

Lues venerea Europam inuadit.

Morbus Gallicus.  
Morbus Neapolitanus.  
Scabies Hispanica.  
Serpigo Indica.

Medicorum  
disceptatio  
de origine  
morbi Gal-  
lici.

runt de huius morbi causa & origine. Nonnulli ex cibis corruptis, succumq; melancholicum & adustum generantibus, quibus in summa rerum inopia exercitus vesci solet, quales sunt plantae siluestres, olera, radices, caro asinina, equina, originem sumpsisse existimabant. Alij siderum Saturni & Martis coniunctionibus acceptum ferebant; eamq; ob causam varia nomina indiderunt: vti Lepre, Lichenum, Mentagra, Sphaceli, Elephantiasis: & cum certam morbi qualitatem assequi non possent (nouum morbum esse ignorantes) ad praedictorum morborum à veteribus descriptorum genus aliquod reducere conabantur.

Guayacan.

CÆTERVM vt ad institutum reuertamur, Guayacan nomen est Indicum, sed per vniuersum orbem cognitum, tametsi etiam à nonnullis Lignum Indicum nuncupetur.

Lignum Indicum.

DE hoc ligno multi multa scripsere, aut Ebenum esse dicentes, aut Buxi speciem, aut aliis nominibus appellantes. Sed vt nouum arboris genus est, nec in his regionibus, aut vllis alijs toto orbe Veteribus descripto conspectum, sed in nuper inuentis solummodo; sic nobis noua erit arbor: vt vt sit, magna est, Illicis magnitudine, ramosa, matrice magna, nigricante, materie quam Ebenum duriore: cortice crasso, gummoso seu pingui; & cum siccum est lignum, facile decidente: folijs exiguis & duris, flore luteo, quem subsequitur fructus rotundus, solidus, semina in se continens Mespili modo. Frequens in insula sancti Dominici.

Guayacan  
historia.

Guayacan  
genus alterum.

ALIUD eius genus in insula S. Ioannis de portu diuinitate, huic vicina, postea reperiunt, superiori serè simile, sed minus omnino, & propemodum sine matrice, odoratiùs & amariùs superiore, quo relicto, huius nunc vsus est; & ob mirandos effectus Lignum sanctum nuncupatur, nec abs re, quandoquidem (ipsa experientia teste) altero praestantius est: attamen vtriusque facultates sunt insignes in curando.

Lignum  
sanctum.



curando morbo Gallico , atque adeò vtriusque coniunctim aut separatim propinatur aqua , cum ad morbum iam dictum , tum ad alios plevosque hac ratione .

LIGNI minutim concisi , aut eius scobis uncia duodecim , corticis eiusdem ligni contusi uncie due in tribus aquæ sextariis macerantur fictili nouo aliquantulum capaxiore , viginti quatuor horarum spatio : fictili bene obturato , lento & luculento igne coquantur , ad duorum aquæ sextariorum consumptionem . quod inde colligi poterit . si dum primum aquæ sextarium infundis , bacillo aquæ altitudinem metiaris . Cocta aqua refrigeratur , colatur , & fictili nouo afferuatur . Statim supra idem lignum , quod decoctum fuit , iniiciantur denuo quatuor alij aquæ sextarij , coquanturque ad vnius consumptionem : coletur hac aqua , & seorsum adferuetur . Sumitur autem hoc modo .

Guayaci decoctum.

INFIRMVS , purgato corpore ex medici consilio , cucurbitulum deligit apricum , quò neque frigus neque aer penetrare potest . Lectum ingressus , diluculo , aquæ prioris calidæ vncias decem sumat , & egregie operiatur vt sudare possit duarum horarum spatio : deinde sudore absterfo , indusium calefactum induat , atque linteamina mutet : quatuor deinde post horis , passæ illi dabuntur & amygdalæ , panisq; biscoctus , neque affluenter , neque parcè ; & de aqua secunda bibet quantum satis erit , etiã interdium . Octo horis postquam comederit , ex priore aqua calente denuo vncias decem hauriet , sudabit itẽ duabus horis , & à sudore , vtĩ superius , mandabitur : vna post sudorem hora , de iisdem passis , amygdalis , & pane biscocto cœnabit , & ex aqua secunda bibet . Seruabitur hic ordo quindecim diebus prioribus , nisi vires nimium collabantur , quia eo casu , etiam præter supradicta , pullus gallinaceus assus ei concedetur . In minus robustis , qui extremam illam victus rationem ferre non possunt , novem dies sufficient , quibus elapsis , pullus exiguus assus similiter

Decocti vsus

liter concedetur. Si verò æger aded tenui est valetudine, ut prædictam istam victus rationem nullo modo ferre possit, ab initio pullus gallinæceus exiguus illi dabitur, cibi quantitatem sensim augendo. Elapsis quindecim diebus, decimo sexto purgabitur decem drachmis pulpæ cassiæ fistula per cribrum transmissæ, aut alio simili medicamento, & eo die tenuiorem aquam, siue secundæ decoctionis bibet. Decimoseptimo die ad priorem ordinem redibit, sumetq; mane & vespere aquam prioris decoctionis, sudabit, eademq; victus ratione utetur, nisi quod pulli loco, dimidiam gallinam assam edere poterit, & sub finem diætæ, aliquantulum plus, eamq; victus rationem in vigesimum vsque diem producet, quo tempore per cubiculum vestitus, & bene amictus deambulare poterit. Quibus elapsis denuo purgabitur, & per alios quadraginta dies aquam bibet, selectissimam victus rationem obseruando in rebus non naturalibus, mulieribus abstinendo, & vino, cuius loco simplicem eiusdem ligni aquam, aut, si eam fastidiet, aquam in qua anisum & fœniculum decocta sint, bibet, eritque cæna sobria, & sine carnibus.

HÆC est optima sumendæ aqua Guayaci ratio, qua multi desperati morbi curantur: atque ea aqua non est præstantius vllum remedium ad curandam luem veneream, cuiuscumque tandem sit generis: radicitus enim eam extirpat.

Guayaci fa-  
cultates.

CONVENIT item hydropicis, asthmaticis, epilepticis, morbis vesicæ & renum, doloribus iuncturarum, omnibus morbis ab humoribus frigidis & flatibus procedentibus, & diuturnis, quibus inutilia fuerunt ordinaria medicamenta, præsertim si morbum Gallicum subsequantur.

Guayaci fe-  
rapium.

PLERIQUE hoc ligno varia medicamenta faciunt, & inter illa serapium, quod sanè admodum efficax est: at in eo iudicio huius ligni usum nemo vtiliorem experietur, quàm superius descripta ratione, sine vllius alterius medicamenti admixtione. Dentes etiam confirmat, & dealbat, si sæpius

*si sapias ea colluantur. Calidum & siccum est in secundo gradu.*

NON incommode huc referenda videtur arbor, cuius Thevetus lib. Singularium cap. 50. meminit, Brasilianis *Hyuourahé*, id est, res rara nuncupata. Hyuourahé.

ARBOR est procera, cortice externa parte argenteo, interna subrubro, & cum recens à ligno detrahitur, lacteu humorem reudente, gustu salis, sed ad glycyrrhizæ saporem accedente: fructum fert pruno mediocrius magnitudinis æqualem, aut purissimi colore, nucleum continentem exiguum, sed suauem admodum & tenellum, agrisque valde expetitur. Illud verò propè incredibile, quòd ait alternis solummodo quindecim annis fructiferam esse, & eum qui arborem demonstrabat, ter aut quater dumtaxat fructum in vita edidisse. Hyuourahé historia.

MIRA facultate præditus est eius arboris cortex, & Guayaco non inferior putatur, ideoque à Christianis istic degentibus eius loco vsurpatur. Hyuourahé cortex Guayacan vices supplet.

EIVS verò vtendi ratio hæc est: Corticis minutim concisi cetæ quantitas in aqua decoquitur, trium aut quatuor horarum spatio, donec vini rubri dilutionis seu clareti colorem contrahat. Ex eo decocto bibunt per quindecim aut viginti continuos dies, obseruata leui diætâ, luisque veneræ doloribus ita liberantur. Verum non modò vile est hoc decoctum in morbo Gallico, sed etiam in reliquis frigidis, pituitosisque; nam humores extenuat & exsiccat, nec iniucundum est palato. Præparandi & vtendi ratio.

### China.

NEMO miretur, si dixerò ex Occidentali India Chinam deferri, quandoquidem vulgo Lusitani ex Orientali India eam adferant. Nam cum ex Hispania noua & Peru vir illustris Dominus Franciscus de Mendoza rediit, magnam quandam radicem & alias paruulas mihi ostendebat, & percontabatur an eas nossent: Chinae radices esse, sed admodum recentes & integras respondebam: tum ille, Sane recentes sunt, nam ipse eas in Hispania noua collegi, nec mireris istic Chinam nasci, siquidem breui videbis etiam inde Aromatum abundantiam deferri. Id facile mihi persuasit, postquam vidi cum Rege conuicire de Aromatum copia in Hispanias inducenda, quæ iam ipse in Hispania noua ferere & colere cœpisset. Vidi Gingiberis atque Chinae radices recentissimas inde delatas. China Occidentalis.

EST autem China, Arundinis maioris radici similis, Chinae histotia.

nodosa,



nodosa, intus alba, interdum rubescens, foris rubra. Optima est recens, ponderosa, solida, pinguis, non cariota, sapore insipida.

Chinae naturales.

**NASCITUR** in China Orientalis Indiae provincia, Scythia atque Sericania finitima, maritimis locis, arundinis aut vluæ palustris modo.

Chinae usus apud Indos.

**SOLIVS** radicis est visus apud Indos, ad curandos difficiles morbos, apud quos magno in pretio est. Propinatur eius aqua in diuturnis & acutis morbis febribus praesertim, etenim sudores prouocat, cuius rei gratia multi sanantur. Triginta sunt circiter anni, quod Lusitani primum in has regiones eam intulerint, praecleara de eius facultatibus praedicantes aduersus omnis generis morbos, sed maxime Luem veneream, in qua mirabiles effectus praestitit. Eius autem paranda haec est ratio.

Præparandæ Chinae ratio.

**RADICIS** Chinae minutim concise vncia fictili nouo imponitur, huic adsunduntur aquae tres sextarii, maceratur viginti horarum spatio: fictili obturato, coquitur lento igne ex prunis incensis ad dimidias, quod ea ratione deprehenditur quam in Guayaeco edocui, frigescit, colatur, atque in fictili nouo asseruatur loco aprico, aut iuxta ignem, ut diutius maneat incorrupta.

Aquae Chinae sumendæ modus.

**PVRGATO**, ut decet, corpore, collocatus aeger loco aprico, & conueniente, ieiunus dictæ aquae calidae decem uncias sumet, duas horas aut paulo diutius sudabit: sudore deinde absterfo, indussum & lintheamina, mundis, & calefactis mutabit, deinde in lectulo duas aut tres horas perdurabit, postea vestitus, calidè se in cubiculo continebit, quod neque aer neque frigus permeabit, genio indulgens & lepidis colloquiis se oblectans. Circiter vndecimam, dimidium pullum coctum, aut gallinæ quartam partem cum pauco sale edet, initio prandij cyatho insculi epoto: pro bellariis carnes cotoneorū adponentur: potus erit similis aqua, quam

ieiunus

ieiunus sumpsit, quia decocti tantummodo vnum genus est. A sumpto iusculo, vnas arillis emundatas, aut pruna passa sine osculis, & panis bene cocti crusta, biscotiū in initio prandij edere poterit. Si interdiu bibere volet, eadem aqua cum conserua aliqua propinetur. Octo post prandium horis lectum denuo ingrediatur, alias decem aque vncias quā calidē poterit bibat, duas horas sudet, sudore deterso, indussum et linthea calefacta mutet, post horam cœnet cōseruam aliquā, aut vnas passas, aut amygdala, & aliquantulum biscoti: de eadem aqua bibat, postremò cotoneorum carne rescatur, potu deinde abstineat. Hæc victus ratio triginta continuis diebus obseruanda, nulla alia purgatione adhibita, sed per cubiculum calidum obambulans & sese oblectans, ab omnibus abstineat quæ illum offendere possunt. Purgatione absoluta, bona victus ratio seruāda est, quadraginta continuis diebus, vinoq; abstinendum & mulieribus: potus erit China superioris, decoctæ & exiccatae in vmbra, vncia vna, in tribus aque sextariis denuo bullita ad dimidias.

AD varij generis morbos utilis est hæc aqua, luen veneream cuiuscumque generis, vulnera & vlcera antiqua, tumores scirrhosos discutiens, articulorum dolorem soluens, & qualemcumque podagram, sed coxendices præsertim curās. Inueteratos capitis dolores mitigat, & stomachi: defluxiones omnes & Rheumatismos sistit, bonum colorem conciliat, icterum soluit, & omnem hepatis intemperiem emendat, ad quam valde celebratur. Paralyfin & omnes neruorum morbos sanat, atque vesicæ: enterocelis utilis, quia humorem vnde generantur, absorbit: frigidis omnibus morbis & melancholicis conuenit, ventriculum roborat, & omnes flatus discutit. Febris diuturnis, quotidianis & erraticis prodest, sudoris insigni prouocatione, qua etiam in pestilentibus febribus utilem quidam arbitrantur.

SICCÆ est in secundo gradu cum exiguo calore, idque

China fa-  
cultates.

China tem-  
peramentū.

deprehendere licet ex eo, quod aqua, cum Guayaci, tum çarça-parilla calefacit, & sitim excitat, hæc neque sitim ciet, neque caloris alicuius indicium relinquit. Nobile proculdubio medicamentum, quod in prædictis morbis admodum efficax expertus sum.

D E China Orientali, quæ sanè aliter describitur à Garçia lib. 1. cap. 38. qui plura volet, cõsulat eius Aromaticum historiam, quam ante aliquot annos Latynam fecimus.

### çarça-parilla.

çarça parilla ex Hispania noua.

POST Chinam, çarça-parilla, cuius vsus huic vrbi primum ab hinc circiter viginti annis innotescere cœpit, ex Hispania noua huc translata est, quoniam ea Indis pro præstanti medicamento erat, ad multos variõsque morbos.

çarçæ-parilla historia.

PLANTA multis radicibus nitens, duos cubitos aut eo amplius longis, colore cinereo dilutior, quæ interdum tam altè demittuntur, vt qui integras eruere volet, ei profunda fossione opus sit: ramis nodosis & lignosis, qui facillè desiccantur: floresne aut fructum proferat, ignoramus.

çarça parilla ex Honduras.

ILLA multo meliorem & efficacior nobis deinde protulit prouincia Honduras, à superiore differens, quod illa candidior est, ad pallorem tendens, & gracilior; hæc verò cinerea, nigrior, atque crassior.

çarçæ delictus.

DELIGITUR nigrior, recens, non cariõsa, fractu contumax, quæq; assulatim frangitur, & ponderosa: nam quæ cariem sensit, & dum frangitur puluerulenta est, inutilis existimatur.

Nominis occasio.

CUM eam Hispani primum viderunt, çarça-parilla nomen indiderunt, propter cognitionem, quam cum nostra çarça-parilla (quæ similax aspera est) habet. Certè nostratæ expertus sum simili facultate præditam, cum ea quæ ex Hispania noua adfertur, ad quam magis accedit quam ad eam quæ in Honduras inuenitur. Gustu insipido est, & sine acrimonia, nec eius aqua, hordeacea sapidior est.

LONGE alia erat eius vtenda ratio cum primum in medicinam



medicinam recepta est, quàm nunc est: tum enim Indorum consuetudo obseruabatur, quam in suis morbis curandis vrsurpare solent, ad quos profligandos maxime reperiebatur efficacia. Verùm nostri sæculi delicia in causa fuerunt, vt eodem quo Guayaci aqua modo nunc propinetur.

ÇARÇÆ-PARILLÆ selibra minutim concisa aqua macerabatur, deinde in mortario diu tundeatur, donec omnino in mucaginem quãdam resolueretur, quam deinde colabant, & exprimebant. Huius liquoris ita expressi satis capax cyathum calidum mane hauriebant, deinde stragulis sese tegebant, & duarum horarum spatio sudabant. Quod si interdum sitis eos vrgeret, idem mucor illis potus erat. Sub noctem, alium eius calentis cyathum hauriebant, atque tantundem temperis, vt mane sudabant. Hic ordo triduo integro obseruabatur, vt neque aliud ederent aut biberent, præter eum lentorem calidum expressæ Çarçæ-parillæ. Ea ratione præparatam ego initio plerumque propinaui, multesq; melius curavi, quàm nunc sanatur. Subsecuta est alia eius propinande ratio, videlicet.

DYÆ vncie çarçeparilla, lotæ, confractæ & minutim concisæ, in nouum fictile cum tribus aquæ sextariis iniiciuntur, & viginti quatuor horarum spatio macerantur: obturato fictili, coquuntur lento igne, & prunis incenso, ad duorum sextariorum consumptionem, eadem ratione vt in Guayaco diximus: refrigerantur, colantur, & fictili vitrato reconduntur. Eadem deinde çarça illo ipso fictili aqua pleno maceratur, aliquantulum feruet, frigida colatur, & fictili vitrato asseruatur.

PVRGATIVS, vt decet, ager, & calido cubiculo se continens, mane decem vncias prioris çarçæ-parillæ aque hauriet; sudabit duas horas, sudore deterso, indusium & lintheamina mutabit, vt in Guayaci potione dictum est. Idem sub noctem, octo post prandium horis (nam sub vndecimam prandens)

prandeat) faciet: post sudorem vinas passas, amygdala, & panem biscoctum cœnabit, & de secunda aqua bibet. Quindecim diebus hunc ordinem obseruabit, nisi imbecilla fuerint vires, tunc enim conceditur vsus carniū exigui pulli aſsi, sensum quantitatem augendo. Lecto se continebit ad minimum nouem diebus prioribus, reliquis in cubiculo sedebit, aut deambulabit, frigus & aërem fugiens. Decimoquinto purgabitur leni aliquo medicamento, atque etiam trigesimo die, omnia ea obseruando quæ in Guayaci decocto sumendo enarrauimus. Sed etiam post trigesimum diem bona victus ratione per quadraginta dies vtetur, vinoque abstinebit & mulierum congressu. Hæc est vulgaris aquæ çarça-parilla sumende ratio, cuius præparanda modos secretiores etiã expertus sum, quos hic recensere non pigebit, ne quid eorum prætermittamus, quæ ad çarçam-parillam pertinet, quandoquidem medicamentum est, cuius vsus & facultates maximè celebrantur.

IAM annus est quintus decimus, quòd Syrupum confeci, non modò in hac vrbe, sed tota Hispania laudatissimum, ad morbum Gallicum, atque alios proſtigandos: nam neque calſcit neque inflammat, Guayaci videlicet siccitate temperata, & çarça-parilla calore mitigato: hoc modo.

çarça syru-  
pus prior.

Vtendi ra-  
tio.

ÇARÇÆ-PARILLÆ vncia due, Guayaci quatuor, vt supra dictum est, præparata, Zizipha octodecim, pruna passa vigintiquatuor, vtraque ofſiculis repurgata, florū Borraginis semuncia, violarum tantundem, hordei mundi aliquot grana, in tribus aquæ sextariis lento igne coquuntur ad duorum sextariorum consumptionem colantur, & decem huius decocti vnciis, vna syrupi violati admiscetur. Calidus mane & vesperi sorbendus datur, eodem seruato ordine qui supra dictus est, sudorem etiam (si prouocabitur) detergendo. Conceditur ab initio esus pulli gallinacei exigui, & reliqui cibi supra enumerati, & bibitur simplex aqua çarça-parille, quæ

rillæ, quæ fit ex eius semuncia in quatuor aquæ sextariis co-  
cta, ad vnius consumptionem. Ea ratione curatur cum om-  
ne genus morbi gallici, tum reliqui, quos aqua Guayaci,  
China, aut çarça-parillæ curari diximus.

F I T item alius Syrupus huiusmodi. çarça-parillæ octo  
vncia cōfracta & cōcisa, in quatuor aquæ sextariis ad trium  
consumptionem coquuntur, in eo qui supererit sextario, sac-  
chari libra quatuor iniiciuntur, fitq; Syrupus, vt moris est.  
Eius Syrupi tres vncia mane, totidem nocte sumuntur, pran-  
dium esto è cibus boni succi, cæna sobria, potus è simplici  
çarça-parillæ aqua. Eo vtatur donec absumptus sit, quo tem-  
pore ad sua negotia peragenda egredi non vetabitur. Curat  
hic Syrupus plerosque ex morbis supra enumeratis, sine  
molestia.

E x ea etiam fit puluis in hunc modum. Neruo illo inte-  
riore seu matrice çarça-parillæ exempto, eam exsiccat, con-  
tundunt, & cribrant. Huius pulueris (purgato prius corpo-  
re) drachmam mane ieiunus sumit, atque simplicem prædi-  
ctam aquam haurit, idem noctu facit dormiturus. Cibus sit  
boni succi, potus illa aqua simplex, vino abstineat. Vtilis est  
hic puluis in lue venerea, aliisque morbis ab ea oriundis: nec  
non scabiem purulentam & saniosam, in manibus et pedibus  
mirificè sanat, hac ratione.

P U R G A T V S ager, etiam (si necessitas vrgeat) non  
purgatus, puluerem modo prædicto sumet, & scabiei subli-  
mati aquam rosacea simpliciore dilutam, plumula illinet,  
deinde emplastrum conueniens panno sericeo extensum, om-  
nibus locis quibus illita fuerit sublimati aqua, inducet. Sin-  
gulis diebus repetetur, & quindecim dierum spatio perfe-  
ctissimè curabitur, ita vt aliis medicamentis non opus sit:  
abstergit enim, carnem generat, & ad cicatricem perducit.

H O D I E tam frequens est aquæ çarça-parillæ vsus  
modo prædicto, vt in omni morborum genere sumatur, siue  
in de-

çarça aqua  
simplex.

çarça syru-  
pus alter.

çarçe pulvis.

Pulueris vtq;  
di ratio.

çarçe aquæ  
vltus frequen.



Quibus non  
conuenit  
huius aquæ  
vſus.

in deſluxionibus, flatibus, vterique morbis frigidis, ſiue aliis quibuſcumque, modo non ſint acuti, aut iſ ſebris acceſſerit: ideòque non minore copia multis locis aſſeruatur decoctum ſimplex çarça-parilla, quàm aqua vulgaris. Certum eſt tamen, iis qui calida, hepatis præſertim, intemperie laborant, non conuenire: nimium etenim eos excalfacit: ſed ventriculos frigidos fouet, & flatuſ mirificè diſcutit. Illud autem animaduertendum eſt, haſ tres aquas non niſi Autumno, aut Vere propinandas eſſe. Calida eſt & ſicca in ſecundo ſerè gradu.

çarça-paril-  
la ex Guaya-  
quil.  
Guayaquil  
fl.

NUNC ex provincia Quito cœpit inferri çarça-parilla, copioſè naſcens vicinis vrbi Guayaquil locis, ad flumen eiſdem nominis maximum, quod ex montibus Peruijanis originem ſumens, ab Oriente in Occidentem vergit, & in Oceanum (quem del Sur vocant) circa Portum veterem labitur: Guancauilcas, vocantur eiſ regionis incolæ, & edentuli ſunt, quoniam pro more habent vt ſibi dentes eximant, quos ſuis idolis offerant, dicentes optima quæque eiſ offerri debere, hominem autè nihil præſtantius, nihil magis neceſſarium dentibus habere.

Guayaquil  
fl. aqua ſalu-  
bris.

EIVS fluminis aqua admodum ſalubris, & multos morbos curare dicitur, eamq; ob cauſam, pluſquam ſexcentis miliaribus ad eam concurritur ab Indiſ & ab Hiſpaniſ, qui multoties ea aqua ſe abluendo, & magnam eiſ quãtita-tem ſapius hauriendo mane, plurimum vrina excernunt, & valde ſudant, & conſequenter morbis liberantur, eodem ſerè modo eiſ aqua vtentes, ſicuti in balneiſ Lucèſibuſ, Puteolanis, & fonte illo celebri apud Leodioſ fieri ſolet.

çarça Gua-  
yaquilana  
hiſtoria.

SVNT qui putent ab huiſ fluminis aqua çarçam-parilla facultates ſuas mutuari. Ea eſt colore ex cinereo nigricante, maioribuſq; & craſſioribuſ radicibuſ conſtat, quàm ea quæ ex Honduras adfertur, atque interdum tam longis, vt altitudine humana fodièdum ſit, antequam erui poſſint.

DVPLEX

DVPLEX verò eius exhibendæ ratio apud eos obser-  
uatur. Çarçe-parillæ radices, quot opus erit, sumētes, neruo  
illo interiore repurgant, corticem eum, si sicca sint radices,  
macerant, donec mollescat (virides maceratione non egent)  
deinde minutim concidunt, & addita aqua contundunt, vt  
succus extrahi possit viscidus & mucosus, cuius mane eam  
quantitatem sumunt, quam vno haustu aut pluribus bibere  
possunt; lectum deinde ingresi, plurimum sudant; postea  
mutatis linteis, pullum edunt, & corticis illius succum hau-  
riunt, in prandio, in cœna (que levis erit) atque interdum  
deligendus est tamen locus ab aëre & frigore liber. Hac ra-  
tione, & vsu conferuarum, necessariorumque aliquot fru-  
ctuum siccatorum permissio, octo aut nouem dierum spatio,  
omnibus morbis liberantur, quos çarçaparilla curare solet:  
validum autem & robustis viribus eum esse oportet, qui hac  
curatione vtetur.

çarçe exhi-  
bendæ prior  
ratio.

ALTERA is conueniet qui imbecilliores sunt, nec su-  
periores, sine manifesto vitæ discrimine, ferre possent. çar-  
çeparilla neruo suo liberata, & vt superius, macerata, si sic-  
ca sit, deinde contusa, quatuor vncia, pluresue aut pauciores  
(nam hic nullus ponderis aut mensuræ vsus) in quatuor a-  
quæ sextariis ad dimidias decoquuntur, ex ea aqua quan-  
tum possunt semel aut pluries bibunt; in lectulo deinde se  
componunt, ad sudorem prouocandum, qui tamen si adeò ve-  
hemens non sit, vt superior, copiosus tamen est: mutata ve-  
ste, pullum edunt, & eadem aqua (nam vno die coctura ab-  
sumitur) cum in prandio, tum in cœna illis potus est: ab aëre  
& frigore sibi cauent: repetitum per quindecim aut viginti  
dies hoc medicamentum, omnes morbos sanat, non sine ma-  
gna omnium admiratione, præter febrem, aut morbos acu-  
tos, in quibus çarçe decoctum exhiberi non solet. Istic ne-  
que initio diata, neque in media, neque sub finem sese pur-  
gant, vti nos facimus (nam & medici & medicamēta com-

çarçe exhi-  
bendæ ratio  
altera.

In quibus  
morbis çar-  
ça non ex-  
hibenda.

posita illis desunt) sed muliercularū dumtaxat opera vtuntur, quæ illis huius decoctum pro arbitrio exhibent.

ILLUD verò obseruatione dignum est in hac curatione, quòd solus radice cortex neruo exempto in vsu est. Ideoque nunc eorum exemplum secutus, solo cortice in hunc modum vti soleo.

çarça præ-  
parandæ ra-  
tio optima.

QUATVOR corticis çarça-parillæ lotæ vncias, in quatuor aquæ sextariis vigintiquatuor horarum spatio macero, deinde ad dimidias decoquo: quòd si calorem in agro metuo, hordei mundati dimidiam vnciam inter decoquendum adicio, & in magno calore, vulgaris aquæ loco, cichorei stillaticium liquorem cum hordeo substituo. Hac aqua temperatissima est, & admirandos eius effectus in multis expertus sum.

OBSERVANDVM item est, vt quāta possit quantitate ager hanc aquam, vti retulimus, bibat, siue vno haustu, siue pluribus, quia magnam quantitatem bibendo plus sudabit, & citius certiusq; sanabitur. Itaque hanc nouam sumende çarça-parillæ rationem maximè vtilem fore puto, faciliusque & breuiore tempore cūrandos agros.

EXVS quæ ad fluium Guaiacul & in Puna insula nascitur çarça parillæ mentionem facit Petrus Cieça parte prima Chronici Peruan, cap. 54. alterique nascensu plerisque Indiæ regionibus præfert; meminit item cap. superiore de illa ratione dentes in sacrificiis offerendi.

Catapotia  
ex çarça.

ALIAM addit Fragosus eius præparandæ rationem, quæ est: Çarçe parillæ libra vna bis lota, bene contusa, & minutim concisa, in octo aquæ sextariis toto triduo maceratur, deinde lento igne coquitur vsque ad integram ferè consumptionem, hoc est, vt acetabulum seu scutella eius decocti solum remaneat: çarça statim exempta prælo imponitur, succusque exprimitur ad vncias quatuor aut eo amplius, etiam si ex eo qui superfuit decocto quantitas augeri debeat. Lento igni imponitur, vbi feruere cœperit, pulueris aloës optimæ vnciæ duæ, myrrhæ selectæ, nucis ponticæ magnitudine, croci momentum (sunt qui Ligni aloës pusillum addant capitis roborandi causa) iniiciuntur & continuè agitantur, donec amyli crassitiem contrahant: ex ea massa catapotia formantur: Ex his duo singulis decem prioribus diebus deuoranda dantur, & singula reliquis viginti, sub horam vndecimam noctis. Si verò inueteratus sit morbus, & ager validus, tria singulis decem prio-



gem prioribus diebus, bina subsequenter decem, singula reliquis sumi poterunt. Dimidia gallina elixa in aqua (cui salis & croci momentum, & aliquot ciceris grana iniecta sint) meridie datur edenda, reliqua pars in cœna. Potus erit aqua gargæ simplex. Surgant hora decima, cubitum eant ante solis occasum. Istitis cata potius gravissimos dolores, & brachiorum erurumque paralyses curari experientia se consecutum scribit.

### Sassafras.

**LIGNI** quoddam genus ex Florida novi orbis provincia, quæ 25. graduum altitudine polum habet, nunc recens in Hispaniam inuehitur, cuius ante paucos annos notitiam Gallus quidam mihi dedit, eius facultates mirum in modum predicans, aduersus varios morbos, ut ipse & alij Galli experti erant, ab eius regionis incolis edocti.

**PROFLIGATIS** ex ea regione Gallis, nostri Hispani in similes morbos incidere cœperunt, ob prauis succi alimenta, aquarum crudarum potationem, & sub dio dormitiones: at à quibusdam qui remanserant Gallis, de huius Ligni facultatibus moniti, eo vsi sunt, & sanitati restituti.

**DICITUR** hac Arbor Indis Pauame, Gallis (quos imitati sunt Hispani) nescio quam ob causam, Sassafras.

**ARBOR** est magna, Pini mediocris magnitudine & forma (tametsi minores inueniatur) vnico trunco nudo, ramis in cacumine expãsis, ut Pinus repurgata, cortice, quem integrit tenuis cinerea quadam pellis, ex cinereo nigricante, gustu aliquantulum acris, sed aromatico, nõnihil ad fœniculi saporem tendente, odorato, ita ut pauca eius quantitas cubiculum suo odore impleat: materie trunci & ramorum alba ad cinereum colorem tendente, non aded aromatici saporis, & odoris, vti cortex: folio ficulneo in tres angulos desinente, nouello verò folio pyri folium emulante, sed quod vestigia angulorum habeat, semper virente, hoc est, foliis nouellis semper eis quæ decidunt succedentibus, colore viridi obscuriore, odorato, præsertim si siccum sit: an florem fructumue ferat, incertum: radicibus nunc crassæ, nunc tenuibus, pro arborum

Pauame.

Sassafras.

Pauame seu  
Sassafras historia.

arborum magnitudine, leuibus, sed non adeò vti lignum, per summos terræ cespites expansis, vt facile euelli possint; quod ferè commune est omnibus arboribus Indicis (imò referunt Hispanicarum arbores eò delatas, steriles fieri, nisi in superficie terræ plantentur) cortex radici firmitus inhaeret cinereus, ipsiusque arboris cortice magis aromaticus, ideòque radicis decoctum odoratius & præstantius est, & ab Hispanis istic vsurpatur.

Natales.

NASCITVR in maritimis, & locis temperatis, hoc est, neque nimium siccis, neque nimium humidis, vt in portubus S. Helena, & S. Matthæi: nam alibi per vniuersam Floridã haud facile inuenias: istic verò sunt integra silua, quæ ob suauissimum quem spirant odorem, ab Hispanis primum eò venientibus, arborum Canellæ esse existimabantur, nec immeritò; nam adeò odoratus est & acris huius arboris, atque Canellæ cortex, & eosdem effectus præbet eius decoctum, quos Canellæ.

Delectus.

OMNIVM optima est radix, deinde rami, tertio truncus, sed cortex omnibus præfertur.

Temperamentum.

ARBORIS & ramorum temperamentum calidum & siccum est in secundo gradu, cortex aliquanto calidior, ad initium tertij gradus in calore & siccitate accedens: quibusdam calidus in fine primi, siccus in tertio gradu.

LICET Corticis & Ligni vsus dumtaxat in medicina receptus sit, Indi tamen recentia folia trita, vulneribus imponunt, & sicca in alios medicos vsus seruant.

Facultates.

EIVS decoctum commendatur in omni morborum genere, præsertim verò in obstructionibus, & partibus internis roborandis: ad tertianas & febres antiquas. Commode ex saccharo propinatur defluxione laborantibus, asthmate, pectoris vitis ex frigidityte prouenientibus, & consequenter doloribus nephriticis & renum, è quibus calculum eicit, & flatus discutit, quam etiam ob causam vterum ad cõceptionem præ-

nem preparat, & menses prouocat. Vomitus cohibet, concoctionem iuuat, aluūque subducit.

ILLIUS fragmentum assidue gestare & odorari maxime prodest, aduersus pestis contagia, praesertim non neglectis aliis remediis. Denique ob ingentem siccitatem & moderatum calorem, est remedium excellens ad omnis generis defluxiones, quoniam eas absorbit: sed iis qui extenuati sunt & imbecilles, non conuenit.

DECOCTI verò seu aquae preparanda haec est ratio. Radicis cum suo cortice assulatim contracta vncia dimidia, in tribus aquae sextariis, fictili nouo duodecim horis maceratur: lento igne ad duorum sextariorum consumptionem decoquitur: colatur, & in fictili vitrato adseruatur. Postmodum supra eadem fragmenta, tantundem aquae superinfunditur, decoquitur ad dimidij sextarij consumptionem. Ea est secunda aqua, quae ordinarij potus loco erit.

ILLVD verò obseruandum est, plus aut minus ligni in decoctionem iniici, viribus & temperamento egrorum consideratis: etenim minore quantitate, & minus cocta propinatur haec aqua, biliosis, quam pituitosis. Sed vulgariter quarta sextarij pars aquae tepidae sumitur mane, deinde sudatur, & vestis mutatur; nec quisquam eorum qui hoc medicamentum sumperit, lecto se continere cogitur. Prandium sit media gallina assa, cum aliquot vuis passis, & amygdalis, & auellanis tostis: coena sit e conseruis conuenientibus morbo qui curatur, potus secunda aqua. Singulari experimento didici hoc decoctum, vt dixi, propinatum, vtilissimum iis fuisse, qui pedes & manus ex podagra sic contortos habebant, vt iis vri non possent. Ad luem item veneream non minus vtile quam aqua Guayaci aut Chinae. Ligni fragmentum premansum eo dente qui dolet, & istic retentum, dolorem sedat.

PORRO qui tam exquisita victus ratione vri nollent, Aquae parandae ratio alia, aquam



aquam simplicem hac ratione decoquant. Ligni assulati  
confracti semuncia, plusve aut minus, pro conditionibus iam  
enumeratis, in tribus aqua sextariis ad dimidias coquitur,  
ea aqua diu vtendum cum in prandio, tum in cena & in-  
terdiu. Qui vino abstinere non norunt, ea aqua diluere pote-  
runt, etenim saporis & odoris gratiam vino conciliabit.

Donati sumus his diebus fragmento huius ligni à Francisco Zeri-  
nig Pharmacopola Bruxellensi diligentissimo, mihiq; amicissimo,  
quod odore & sapore feniculum quidem referebat, sed tamen gusta-  
tum, planta illius saporem magis reddere videbatur, quæ vulgo Dra-  
co, nonnullis Tharco dicitur, acetariis familiaris, & cortex eius multo  
magis. Lignum cum suo cortice adeo Tamatici simile est, vt nisi odor  
& sapor obstitarent, pro eo accipi possit: cortex interiore parte qua li-  
gno adheret nigricante, & laui, exteriori rugosa, & ex cinereo rube-  
scente.

**Molle.**

CAETERVM odor feniculi mihi in memoriam reuocat arbo-  
rem in Peru nascentem, Molle vocant, cuius ego pusillas duas plan-  
tas, è seminibus natas, vidi ante aliquot annos Machliniæ in Horto splen-  
didissimo Illustris Viri Dn. Ioannis de Brancion, sed quæ tertio anno  
perierunt hiemis iniuria.

**Molle hi-  
storia.**

ERANT autem ex arbuscula trunco (quia tenella) ex viridi ni-  
gricante, multis confperso veluti maculis cinereis, folia pennata vt fra-  
xini, sed multo minora, ex viridi nigricantia, serrata & sub extremum  
angustiora, quæ ab arbusculis reuulsa lacteo succo, coque lento & vi-  
scido, & odorato manabant, & ipsa folia trita feniculi odorem red-  
debant, gustata adstringentis facultatis nonnihil habere videbantur.  
Frustrum ex quo nate sunt, piperis ferè magnitudine, oleaginosus, pel-  
licula rubescente testus, racematim coherens, vt ex eius icone, quam  
ad viuum depingi tum temporis curauimus, conspiciere licet: florem  
quem habeat ignoramus, sed quibusdam auctoribus minutus est, viti  
similis.

**Natales.**

HÆC arbor abundanter nascitur in conuallibus & locis planis  
Peruanæ regionis, vt referunt omnes qui Occidentalium Indiarum  
descriptionem dederunt: sed Petrus Ciega maximè, qui eius descric-  
tionem hoc modo cap. 112. primæ partis Chronici dat.

**Molle histo-  
ria alia.**

TOTO hoc tractu conspiciuntur magnæ quædam, & etiam pat-  
uæ arbores, quas Molles appellant incolæ: folia habent minuta, odore  
feniculi, cortice adeo commendato, vt eius decocto crurum dolores  
& inflammationes summa cum vtilitate foneantur: ex ramulis sunt den-  
tiscalpia vtilissima. Ex huius fructu cum aqua decocto, pro cocturæ  
modo, fit aut vinum, siue potio admodum bona, aut acetum, aut  
mel: tantoque in pretio apud Indos sunt hæ arbores, vt quibusdam  
locis eas consecratis suis Idolis habeant. Addunt nonnulli eius arbo-  
ris foliorum decoctum, doloribus ex frigida causa ortis auxilio esse,  
gummi verò eius, quod Mannæ modo candidum est, lacte dissolu-  
tum, caliginem oculorum abstergere.

**Molle vinu.**

**Facultates.**

**Lignum**



## Lignum aromaticum.

**Lignum aromaticum.** BERNARDINVS de Burgos Pharmacopola, vnd cum Sulphure infra describendo mihi ostendit Ligni cuiusdam fragmentum, Ligno sancto ferè simile, cuius corticis odor & sapor aded aromaticus & excellens est, vt macis, aut nucem myristicam longè superet, imò Canellam odoris suauitate, piper acrimonia.

MAGNA huius ligni quantitas in monte quodam caesa fuerat, & in nauē seu Liburnicam delata, ignis struendi causa. Vnde perspicere licet, quam multa arbores, & aliæ plantæ in nostris Indiis inueniuntur insigni facultate prædite, quādoquidem ignis struendi gratia odoratis & aromaticis arboribus vtuntur, quarum cortice in puluerem redactō, cor & ventriculus roborari, reliquaq; membra foueri possent, & Aromatum ex Maluccis insulis, Arabiæque, & Perside vsque petitorum, vices supplere. Sed nos accusandi sumus, qui eas diligentius non inquirimus & inuestigamus, quandoquidem sponte montibus locisq; incultis nascuntur.

## Lignum ad renum affectiones &amp; vrinæ incommoda.

**Lignum nephriticum.** NOBIS etiam mittit noua Hispania Ligni quoddam genus crassum & enode, materia Pyri, cuius vsus iam diu receptus fuit in his regionibus, ad renum vitia, & vrinæ difficultates & incommoda. Postea expertum est, eius aquam in Iecoris & Lienis obstructionibus vilem esse. Fit autem hac ratione.

## Aqua ligni nephritici.

LIGNVM assulatum & minutim concisum in optima & limpidissima aqua fontana maceratur, atque in ea relinquitur, donec aqua à bibentibus absumpta sit. Dimidia hora post iniectum lignum, aqua caruleum dilutiorem colorem contrahit, qui sensim intenditur pro temporis diuturnitate, tæmet si lignum candidum sit: caruleum ideo dico, quoniam



quoniam adulteratur alio ligno simili, quod aquam croceo colore inficit, ne quis fallatur.

HAC aqua assidue vtuntur, ea vinum diluunt, & mirabiles experiuntur effectus, sine vlla humorum commotione, neque enim opus est alia victus ratione quam temperata: siquidem aquae sapor non magis immutatur ligni iniectione, quam si pura esset, & nihil in ea maceratum. Calidum & siccum est in primo gradu.

### Lapis Nephriticus.

LAPIS hic in Nephritide maximè laudatus ex noua Hispania etiam defertur. Praesio lapidi similis, qui ad viridem colorem lacteo permixtum tendit, praefertur viridior.

EUM gestant varii formis effigiatum, vt antiquitus solebant Indi, alios piscium forma, alios auium capitibus, alios psittaci rostris similes, nonnullos rotundos sphaerularum modo, atque omnes perforatos, quoniam Indi eos appensos gestare solebant, aduersus Nephritidis, aut stomachi dolores, in quibus morbis valde commèdatur. Sed eius praecipua laus est ad Nephriticos dolores & ad calculum expellendum, & arenulas.

NOBILIS mihi notus, vnum habet, cui nullum alium comparandum vidi; nam eum brachio gestans, tanta arenularum quantitate liberatur, vt, metuens ne ei noceat tanta eiectione, interdum eum deponat, nullumq; amplius calculum eiicit. Sed cum doler eum premit, denuo eum gestat, & statim leuatur aut minuitur dolor multarum arenularum, atque etiam calculorum expulsionem. Ea etiam occulta facultate praeditus est, vt ab eiusmodi dolore praeseruet gestatus, renum calorem mitigando.

DVCISSA Bejar ter breui temporis interuallo Nephriticis doloribus afflicta, armillam ex eo lapide sibi consecit, quam perpetuo gestat, ex eo tempore (quod decennium superat) eo dolore numquam vexata est.

Nephriticus lapis.  
Praesius lapis.

Nephritici lapidis varia forma.

Facultates.

ALII multi senferunt idem leuamen, eamque ob causam magno in pretio sunt huiusmodi lapides, nec, vti initio, tam facile adquiri possunt, quod soli earum prouinciarum Reguli & Domini eos possideant, nec immerito, cum tam admiranda sint illorum facultates.

Lapis Tiburonum.

Tiburon piscis.

IN mari Indico ferreis hamis capiuntur pisces Tiburones dicti, maximi, validissimi, pugnacissimi, & truci aspectu, qui cum lupis marinis assidue praeliantur.

Lapis Tiburonum.

IN eorum capite terni aut quaterni lapides, interdum plures inueniuntur, valde albi, magni, ponderosiq; (vt interdum duas libras pendant) & qui facile abradi possunt.

Facultates.

HVIS lapidis puluis utilissimus fertur Nephriticis, & aduersus vrinae difficultates, & renum vesicaeq; calculos, vt in Indis, Hispanisq; experientia comprobauit. eum gustatum insipido esse gustu deprehendi, facultates nondum expertus sum.

TIBVRONVM meminerunt, quotquot Occidentalis Indiae historiam descripserunt: sed inter eos Gomara in historia Mexicana, miranda & vix credibilia de Tiburone refert, & illi duplicem detium ordinem tribuit.

DESCRIBIT idem in Historia generali Indiarum cap. 31. (quem secutus est Theuetus lib. Singularium cap. 71.) piscem quendam Manati nomine, cuius descriptionem, quod pleraque cum Tiburonis historia communia habeat (ne dicam eundem piscem videri) hic subiunximus.

Manati piscis.

MANATI piscis est nostro otbi incognitus vtri similis, duos tantum pedes rotundos quibus natat, ad humeros habens, & in singulis quatuor ungues elephantinis similes, ab umbilico ad caudam vsque gracilescit: teter timor est apectu, capite bubalino, sed macilentiore ore, mento vero crassiore, oculis admodum exiguis pro corporis mole, quae interdum viginti pedum longitudine est, decem crassitie: corio denso, pilis quibusdam cinerei coloris obdito. Feminae pariunt vaccarum modo, duoque vbera habent, quibus catulos suos lactant. Eius caro quadripedis potius quam piscis videtur, etenim recens vitulinam sapit, sale macerata Thynni carnem, sed sapidior est, diutiusque seruari potest. Eius pinguedo optima, nec facile rancescit: ea corium ipsius praeparant ad calceos sibi faciendos. Inueniuntur in eius capite lapides quidam ad calculum & nephritidem viles.

HIC piscis occiditur interea dum herbas in littore depascitur, sed etiam Retibus capiuntur iuniores. Ea ratione paruum fertur cepisse Regulus

# LAPIS CAYMANVM.

51

Regulus Caramatexi, quem 26. annis in lacu quodam dicto Guaynabo educavit, adeoque domitum euasisse, & ferociam deposuisse, vt de manu cibum caperet, & in clamato nomine Mato, quod Magnificum sonat, lacum suum egressum fuisse, & in aedes perreptasse cibi sumendi gratia, deinde ad lacum remeasse, interdumque homines & pueros ex vna parte lacus in aliam transeuasisse, nec illos merfisse, ita vt Indis summam voluptatem adferret.

## Lapis Caymanum.

Ex Nomine Dei, Carthagine, aliisque continentis oris, lapides interdum adferuntur calculis fluuiatilibus similes, qui in ventriculis praegrandium Lacertorum (Caymanes Lacerti Caymanes. appellant) inueniuntur: ferocissimi sunt, ingenti ore, vt intergrum hominem deglutire possint, multiplici dentium ordine, adeo magni, vt triginta duorum pedum longitudine inueniantur. Viuunt ij magna ex parte in fluminum ripis, nonnumquam in mari, ad fluuiorum ostia: pariunt oua in terra, & suos catulos istuc excludunt, testudinum more: capiuntur hamis ferreis, quia earum cutis praedura, omnes ictus, etiam minorum tormentorum aneorum, respuit.

Hos lapides colligunt Indi & Hispani, atque adeo sibi seruant, ad quartanam tollendam vtile remedium: siquidem bini ex eis temporibus vtrunque alligati, in quartanarum paroxysmo, illas tollere, aut earum calorem manifeste infringere traduntur. Bis eum lapidem temporibus cuiusdam puellae quae quartana laborat, adhibui, & certe febris calorem nonnihil remisisse animaduerti, an vero febrem omnino tollet, ignoro.

GOMARA, Petrus Cieça, Augustinus Carate, qui integram Indiae historiam, aut ex parte scripserunt, huius generis Lacertorum seu Crocodilorum meminerunt, inter quos Petrus Cieça sub finem capitis 2. eorum oua, atque etiam carnes vrgente fame cum aliis fedisse asserit circa Pauamam, cum eam regionem primum occupassent. Gomara cap. 197. ibidem occisum, qui 100. pedes longitudine aequaret, in cuius ventriculo multi calculi reperti sunt.

## Lapis Sanguinalis.

LAPIS Sanguinalis ex noua Hispania delatus, Iaspidis genus est, varij coloris, sed obscurioris, maculis, seu punctis distinctus sanguineis.

Ingens Lacerti magnitudo.

Lapis sanguinalis.

d 2

Ex his



Eius facultates.

Ex his lapidibus Indi quasdam cordium formas, magnas ac paruas faciunt.

VALET ad fluxum sanguinis narium, mensum, hæmorrhoidum, vulnerum, ac oris. Lapidem aqua frigida intinctum æger dextra comprimit, & subinde id facit. Sic eo Indi & nostri vtuntur.

PERSVASVM habent Indi, imò firmissimè credunt, si hoc lapide pars sanguine manans contingatur, sanguinem sisti, idque verum esse experientia probatum est. Vtilis est etiam suspensus aut alligatus eidem parti vnde sanguis effluit, modò carnem contingat. Vidimus nonnullos hæmorrhoidum fluxu afflictos, remedium sensisse, annulos ex hoc lapide confectos in digito continuè gestando: nec non & menstruum fluxum sisti.

Lapis rimas pedum curans.

ALIUD lapidis genus est, quod rimas in manuum & pedum iuncturis à pituita salsa prouenientes, curat: verum id dumtaxat auditu percepimus.

#### Armadillo.

Armadillo.

NUNC ex continenti habemus osiculum caudæ peregrini animalis, quod veluti testis quibusdam totus integitur pedum tenuis, cuius gratia Armadillo vocant Hispani, quasi cataphractum aut armatum dicas, Lusitani Encubertado.


Encubertado.

Description.

EST porcelli magnitudine, cui rostrum simile habet, cauda oblonga, & crassa, Lacerti modo. Sub terra viuit, vt Talpa, & terra sese sustentare creditur, quòd foris nihil edere conspiciatur.

Facultates.

OMNIS facultas consistit in caudæ osiculo, cuius in tenuissimum puluerem reducti pilula, confecta magnitudine capitis acicule, atque auri indita, dolorem eius sedare, & tinnitum etiam, cum exigua surditate coniunctum, curare traditur. Certè dolorem sedari multa experientia comprobatum est.



Tattou.

H V I V S animalis meminit Theuetus lib. Singularium , cap. 54. aitque incolis Tattou vocari, quorum nonnulli porcellos magnitudi-  
ne æquant, alij minores sunt, & eorum caro tenella est, bonique succi,  
Et Bellonius lib. Singularium 3. cap. 15.

Aiotochli.

M E M I N I T item Franciscus Gomara in Mexicana historia in  
hunc modum: Circa Lacunam quæ ex flumine Papaloapan oritur  
Imperio Mexicano, animal inuenitur fele non maius, rostro porcelli,  
pedibus histricis auterinacei terrestris, cauda oblonga, natura mu-  
nicum duro cortice, & testa squamata veluti loricatum, intra uiam  
se retrahit testudinis terrestris modo. Similis est hæc testura panopliæ  
equorum: sed & cauda, ipsumque caput huiusmodi testis squamatis  
testa sunt, auriculis foris eminentibus, eamque ob causam Hispani  
armatum, aut cataphractum appellant, Indi Aiotochli, id est, Cuni-  
culum cucurbitæ.

E I V S etiam descriptionem apud Gesnerum videre licet in Ap-  
pendice ad Quadrupedum historiam.

## Sanguis Draconis.

A T T V L I T ante paucos dies, ex noui orbis continenti,  
Episcopus Carthaginienſis fructum arboris ex qua manat  
lachryma illa quam Sanguinem Draconis vocant.

Draconis ar-  
boris fru-  
ctus.

E S T autem hic fructus admirandus: nam sublata qua  
integitur pelle, ilico dracunculus apparet, tanto artificio à  
natura fabricatus, vt à peritissimo aliquo artifice è marmo-  
re sculptus videatur, collo oblongo, ore hiante, spina aculeis  
horrida, cauda oblonga, & pedibus conspicuis.

Sanguis Dra-  
conis cur sic  
dictus.

A B eo fructu denominationem proculdubio sumpsit ar-  
bor, & eius lacryma, qua ex illa per incisionem legitur, quam  
ex Carthagine Peruana selectissimam aduehunt: vnde ve-  
terum & multorum recentiorum inscitia deprehenditur,  
qui, quid esset sanguis Draconis, aut cur sic appellaretur,  
omnino ignorarunt.

Draconis  
historia.

M A G N A est arbor, cortice satis tenui, & qui facile  
incidi potest: ea vulnerata, liquor ille effluit, quæ Sanguinem  
Draconis in lachryma, dicunt, ab eo differens, quem San-  
guinem in pane vocant, quod in panes seu massas istic coga-  
tur, quemadmodum resina in Castella.

Facultates.

V T E R Q V E liquor intro assumptus, alui profusum  
sistit. sic



# GUMMI AD PODAGRAM.

55

*fit, sic etiam ventri illius, aut clysteribus indurus. Sanguinem vadequaue manantem reprimat. Capitis defluxiones, ne in partes inferiores delabantur, prohibet eius pulvis capitis vertici inspersus: vulnera recentia glutinat, gingivas à putrefactione liberat, & dentes stabilat. Est item color Pictoribus maxime expetitus.*

*TEMPERATVS est, & pauci caloris particeps.*

*M E M I N I ante paucos annos nobis à Francisco de Hollebeèque Regis Hispaniarum Hortulano diligentissimo, missos fuisse quosdam fructus Dragonalis nomine, ex quibus terra commissi, nonnulli prodierunt Bruxellæ apud C. V. Dn. Ioannem de Boissot virum doctissimum & rei herbariæ peritissimum. Erant ferè foliis Iridis, oblongis; viridibus, per oras rubris (qualia in grandi arbore ante nouem annos Olysi pone conspexi) sed subsequens hiems abstulit: Fructus is erat Cerasij magnitudine aut Oxymuris, rotundus, tenui pelle contectus; qua sublata, osseus nucleus conspiciebatur, qualis est in fructu Rusci: sed is nullam animalis, nedum dracunculi tanto artificio fabricati figuram referebat, verum rotundus erat & lauis, & vt dixi, torus osseus. Arboris, quæ Olysi pone obseruauit, & in cuius cortice gumi sanguinei coloris concreta inueni, iconem, in Stirpium à me per Hispanias obseruatarum descriptione exhibeo.*

Dragonalis.

## Gummi ad podagram.

*D A B A T mihi idem Episcopus, Gummi genus (cuius arborem non poterat describere) ex eodem continenti delatum, quo se podagrici istis purgant, in hunc modum.*

Gummi ad podagram.

*I L L I V S gummi fragmentum nucis ponticæ magnitudine, stillaticio aqua liquore noctem integram macerant, postridie mane percolant, & exprimunt, eam aquam ad duas uncias sumunt, neque quidquam cibi superingerunt ante meridiem: eo medicamento purgatur humor, qui podagram creat sine molestia.*

Facultates.

*I N S I P I D V M est & inodorum. Calidum videtur in primo gradu.*

*Fructus dysentericus.*

*H I S P A N V S quidam adolescens mihi ignotus, attulit ex Quito fructum, qui, vt ex eius fragmentis (quæ altera*

Fructus ex Quito.

d 4

parte

parte laeua erant, & luteo colore; altera verò, aspera & admodum rubra, seu ex rubro nigricantia) conicere licebat, magna quadam arbore natus videbatur. Dum ille mecum de variis rebus ageret, venit ad me vicinus, medicamentum curaturus filiae, quam dysenteria misere affligi dicebat. Illico adolescens, eam, inquit, curabo: ad vicinum proficiscitur, fragmentorum illorum tenuissime tritorum puluerem ex stillaticio calicū rosarum liquore, eo die puella hauriendum dedit vespere, tantundem postridie mane, statimq; sisti coepit fluxus, ita vt breui puella sanitati restituta sit. Eum adolescentem, tametsi diligenter requisierim, numquam postea videre mihi contigit: itaque neque quis esset hic fructus, aut qua arbore nasceretur, scire potui.

#### Cortex ad alui profluvia.

Cortex alui  
profluvia fi-  
stens.

PROFERT nouus orbis prae grandem arborem, foliis cordis effigie, nullo fructu. Eius cortex digiti crassitudine aut amplior, solidus, durus, & ponderosus, tenui candicante pellicula integitur: similis est admodum cortici Guayacan, vti Gentiana amarus, adstrictionis & grati seu aromatici cuiusdam odoris particeps.

Exhibendi  
ratio.

MAGNA est apud Indos aestimatio, vt qui eo vtantur aduersus omnis generis alui profluvia, eius puluerem drachmae pondere, aut paulo amplius mane propinantes ex aqua conueniente, aut crasso vino rubro. Ter aut quater id remedium repetitur, obseruaturq; in reliquis victus ratio, quae huiusmodi morbo necessaria est.

EIVS corticis fragmento donatus sum ante paucos dies, cuius periculum iam bis feci in alui profluvio inueteratis magno successu.

EX VARIIS *nostrarum Indiarum* *pro-*  
*uinciis*, multa purgātia *medicamenta* *deferun-*  
*tur*, quorum *magnæ* sunt *facultates*: de quibus  
*hic* *mentionem* *faciam*, *ut* *sint* *veluti* *Præfatio*  
*quedam* *in* *Historiam* *radicis* *Mechoacan.*

Cassia solutiua.

INSVLÆ *Diuorum* *Dominici & Ioannis de Portu* *Cassia solu-*  
*diuite*, tanta *quantitate* *nobis* *transmittunt* *Cassiam solu-*  
*tiuam*, *ut* *non* *modò* *Hispania*, *sed* *etiam* *toti* *Europa*, *atque*  
*adèd* *vniverſo* *orbi* *sufficiat*: *nam* *&* *in* *Orientem*, *unde* *de-*  
*ferri* *solebat*, *plures* *naues* *ea* *onusta* *vehuntur*, *quàm* *Can-*  
*tabri ferrum* *mittunt.*

QVÆ *Venetis* *ad* *nos* *ex* *India* *Orientali* *mitti* *sole-*  
*bat*, *cum* *immatura* *collecta* *esset*, *temporis* *diuturnitate*  
*&* *itineris* *longinquitate* *ad* *nos* *ita* *corrupta* *perueniebat*, *ut*  
*parum* *utilitatis* *præstaret*. *Nostra* *verò* *ex* *insulis* *prædictis*, *Delectua.*  
*matura* *est*, *crassa*, *plena*, *ponderosa*, *medullosa*, *&* *adèd* *re-*  
*cens*, *ut* *interdum* *sexagesimo* *postquam* *collecta* *est* *die*, *huc*  
*perferatur*: *&* *quia* *recens*, *gratiq;* *saporis*, *non* *tetri*, *ut* *quæ*  
*ex* *Oriente* *deferebatur*, *facilius* *vires* *suas* *exerit.*

BENIGNE *purgat* *&* *sine* *vlla* *alui* *perturbatione*, *bi-* *Facultates.*  
*lem* *præsertim*, *deinde* *pituitam*, *postea* *quæ* *in* *meatibus* *&*  
*intestinis* *infarcta* *sunt*, *euacuat*. *Temperatos* *illos* *efficit*, *qui*  
*ea* *utuntur*: *sanguinem* *purgat*. *Utilis* *in* *omni* *morborum*  
*genere*, *sed* *maximè* *renum*, *&* *vrinæ*, *duabus* *horis* *ante*  
*cœnam* *sumpta*. *Defluxionibus* *prodest*, *duabus* *à* *leui* *cœna*  
*horis*. *Quotidianus* *eius* *vsus* *est* *ad* *pectoris* *&* *laterum* *vi-*  
*tia*, *eclegmatis* *modo*. *Conuenit* *februm* *ardoribus*, *&* *si* *sim*  
*extinguit*. *Aſiduus* *illius* *vsus* *ante* *prandium* *aut* *cœnam*,  
*calculi* *generationem* *prohibet.*

FORIS *cum* *amygdalarum* *dulctum* *oleo* *illita*, *graues*  
*pulmonum* *&* *renum* *dolores* *mitigat.*

d 5

DOSIS



**DOSIS** pulpæ eius est decem drachmarū, ad sesquiu-  
ciam vsque; non exempta verò, quatuor vnciarum. Le-  
nit, resoluit, sanguinem depurat, & eius bilisq; calorem in-  
fringit. Humida est in primo gradu, ad calorem, sed mitem  
tendens.

**I**N istis insulis primum coli cæpit, postquam in nostram  
potestatem venerunt.

NON desunt qui huius Auctoris iudicium improbent: siquidem  
Orientalis cassia, cæteris paribus, longè præferenda est.

### Fructus ad bilem.

**Ex** maritimis Nicaragua & Nata (quæ sunt in noui  
orbis continenti) inuehitur in Hispaniam medicamenti ge-  
nus purgans, bilem præferim.

Fructus 'bi-  
lem euacuans.

**FRUCTVS** est arboris cuiusdam vastæ, castaneis si-  
milis, sed calyce leui, non, vt illarum, echinato: eo calyce fru-  
ctus continetur castaneis non multum absimilis, sed sine cor-  
tice, & serè quadratus, qui in duas partes diuisus est, inter-  
curante medium, & totum deinde ambiente pellicula.

Facultates.

**EDITVR** hic fructus viridis, aut contusus vino exce-  
ptus: si siccus, eius puluis ex vino aut gallinæ iusculo sumi-  
tur; datur etiam tostus, vt minus purget: quocumque tan-  
dem modo sumptus, sine molestia purgat, obseruatis iis quæ  
à purgatis obseruari solent, & præparatis prius vt decet hu-  
moribus. Illud verò minimè prætereundum est, pelliculam  
illam exteriorem & internam abiciendam esse, alioqui gra-  
uia symptomata excitaturam, veluti ingentes vomitus, a-  
nimi deliquia, & periculosa alui profluvia. Calidus est in  
primo gradu.

### Auellanæ purgatrices.

Auellanæ  
purgatrices.


**NOVO** orbe primum inuento, insula diui Dominici  
quoddam genus Auellana misit, qua se Indi familiariter  
purgabant. Postea Hispani necessitate compulsi, illis etiam  
purgare se cæperunt, non sine vita discrimine. Colore & for-  
ma nostris

ma nostris Auellanis similes sunt, putamine tenui, coloris Auellana-  
rum histo-  
ria. spadicei, triangulares, medulla interiore alba & dulci, sic vt multi, dulcedine illecti, decepti sint.

MEDICORVM vulgus eas Ben magnum vocat Ben magnū.  
(nam Ben est duorum generum) Paruum autem ciceris Ben parvū.  
magnitudine est, & ex eo Itali odoratum illud oleum, quod de Ben nuncupant, conficiunt, quo sibi cesariem & barbam inungunt deliciarum gratia.

VALIDISSIME pituitam & bilem superne & in- Facultates.  
ferne purgant. Nonnulli tamen earum vehementiam assa-  
tione infringebant. Coli doloribus presens sunt remedium,  
flatus discutunt, & clysteribus iniecta, mediocriter eua-  
cuant.

DOSIS est à dimidia drachma ad drachmam vnam:  
sed assande sunt. Calidi sunt temperamenti initio tertij gra-  
dus, & sicci in secundo.



Auellana hæc cum plerisque aliis fructibus peregrinis communi-  
cata mihi fuit ab illustri viro D. Ioanne de Brancion, rei herbariæ stu-  
diosissimo, nec vllis parcente sumptibus, vt suum hortum omni pere-  
grinatum plantarum genere excultissimum reddat.

Caterum Auellanam hanc, cuius iconem hic exhibeo, lentus &  
mollis contegit cortex, partim ex cinereo candicans, partim nigricans:  
hunc sequitur putamē minus solidum quā in vulgaribus Auellanis,  
id nucleum

60 NUCLEI PINEI PURGANTES.

id nucleum continet Auellanae magnitudine, candidum, solidum, Auellanae vulgaris aut iligneae glandis sapore, tenui membrana obductum. Integra nux altera parte fessilis est, & coniunctim binæ nasci videntur, ut interdum castaneæ.

Nuclei pinei purgantes.

Pinei nuclei  
purgatorii.

TRANSMITTIT etiam noua Hispania, Pineorum nucleorum genus, quo Indi se purgabant: quos imitati sunt plurimi harum regionum.

Descriptio.

NOSTRIS pineis similes sunt, nascentes in strobilibus magnis, quales sunt Mayzi spica mutica: molliori putamine, & nigriore quam nostri pinei nuclei, rotundi, intus albi, pingues, & gustu dulces.

Facultates.

BILEM, pituitam, & aquas validissime purgant: & licet Auellanis mitiores, attamen vomitum cient, atque ventrem subducunt. Asi, neque tam valenter, neque cum tam magnis torsionibus purgant. Peculiari quadam facultate crassos humores expellunt.

QUINQUE aut sex triti & vino diluti, dantur pro virium robore, preparato prius conuenientibus Syrupis humore, qui euacuandus est, & obseruata, quæ decet, victus ratione. Etenim qui eis utetur, illum obseruare oportet, quæ ab his obseruari solent, quibus purgans medicamentum propinatum est.

CALIDI in tertio, & sicci in secundo, pinguedine tamen quadam præditi, quæ siccitatem nonnihil imminuit.

Fabæ purgatrices.

Fabæ purga-  
trices.

FABÆ purgatrices, quæ Carthagine, & Nomine Dei nascuntur, nostris similes sunt, sed minores, eiusdem cum nostris formæ & coloris, pellicula quadam tenui, ut ceparum tunica exterior, illas per medium intersecante, quæ cum cortice abiicienda est, alioqui tanta vehementia superne & inferne purgans, ut in vitæ discrimen sumentem coniciat. Assandæ deinde sunt, ut illarum acrimonia infringatur, deinde in puluerem comminuenda.

DATVR




**DATVR** hic pulvis vino aut saccharo exceptus, ad Sumenditatio.  
 cochleare vnum, deinde haustus vini sumitur.

**APVD** Indos hoc medicamentum celebre est ob Facultates.  
 mendi facilitatem : nam sine molestia bilem, pituitam, &  
 crassos humores, multo lenius & facilius quàm superiora  
 medicamenta purgant.

**DANTVR** in febribus diuturnis & importunis, in colicis  
 doloribus, & articulorum morbis.

• **DOSIS** esto assatarum à quaternario numero ad se-  
 narium, plurimum aut pauciorum, pro egri viribus.

Aliquot peregrinos fructus accepi Fabæ purgatiuæ nomine insigni-  
 tos: sed nullus mihi conspectus est, qui fabæ purgatiuæ nostro auctori  
 descriptæ conueniret, at potius inter Phaseolos, omnes recensendi vi-  
 debantur.



Prior, cuius hic iconem exhibemus, orbiculari fere est forma, sed  
 planus utrimque & quodammodo pulvinatus, digiti vnus crassitie,  
 duorum verò latitudine aut ampliore, ex vno latere aliquatulum ca-  
 uo, qua videlicet hilus esse solet, & siliquæ, in qua continetur, adhæret:  
 sortex durus & lignosus, læuis, ex rubro nigricans: quod intus conti-  
 netur al-



PHASEOLVS. ALTER BRASILIANVS. 63





neur album, firmum, & in duas partes natura sectile, vt sunt omnia phaseoleacea: sapore primum quali sunt omnia ferè legumina, sed illico linguam mordicante, & acrisquo fit (ni fallor) vt purgandi facultate præditus.

Nascitur in insula Diui Thomæ dicta, & cordis effigiem, quale vulgo pingi solet, imitatur: idcirco à quibuidam Cor Diui Thomæ nuncupatur. Eius obiter meminit Petrus Cieça parte prima Chronici cap. 112.

Alter Phaseolo vulgari haud dissimilis est, sed minor, densior, nigricans, & hilo prominente, & renis formam minimè referente.

Cum Olysi pone essem, donatus sum Phaseoli genere ex Brasilia Americae prouinciæ delato, admodum recenti, pollicari latitudine, crasso, colore rufescente, magno hilo, & parte extrema veluti sessili: Eiusmodi quatuor aut quinque singulis filiquis prægrandibus continentur, qui recentes & virentes adhuc tusi & impositi bubones venercos curare dicuntur: flore traditur ex rubro pallecente: ego dumtaxat iuniorē plantam vidi mihi semine natam, quæ foliis Phaseolo vulgari ferè similis erat, nisi quod minora erant, & auersa parte hirsuta, præsertim tenetiora folia, & extremi caules tenui molliq; lanugine fuluescente obiti. Brasiliāni Macouna vocant: similes planè, & colore, qui ex cinereo candicans est, dumtaxat differentes, ex Africæ Mauritania delatos vidi.

Vidi etiam non procul Olysi pone in monasterio quodam Phaseoli genus vulgari nostrati adeo simile, vt nostrum putarem, pergulas istic vestiebat opere topiario, flore purpureo; at filiquæ scabræ sunt, breviores, & duplo lariores quàm nostri vulgaris: fructus est exiguus pissi vulgaris magnitudine, totus niger, nisi qua parte filiquæ adhæret, quæ candida est. Brasiliānis frequentem esse audiui, & Lusitanis istic habitantibus Faua braua, id est, fabam hyluestrem nuncupari.

### Lac Pinipinichi.

**Pinipinichi.** IN omnibus continentis oris, lacteus quidam succus elicitur ex arbusculis Malorum similitudine, Indi Pinipinichi vocant: cuius rami recisi, lacteum humorem illico exsudant, aliquantulum densum, & viscosum, cuius tres aut quatuor guttæ sumptæ, validissimè per secessum purgant bilem & aquas.

**Facultates.**

**BIBITUR** ex vino, aut eius desiccati puluis deglutitur pauca quantitate, propter nimiam vehementiam.

**ILLUD** autem peculiare habet, quod si quis, eo sumpto, iusculum, vinum, aut aliud quid iniiciat, subito eius operatio infringitur, & cessat.

**SUMPTO** aliquo ex superioribus medicamentis purgantibus;

gantibus, somno abstinendum est, & ea obseruanda; quæ ab his qui purgans aliquod medicamentum sumpserunt, obseruari solent.

CALIDVS & siccus hic liquor in tertio gradu.

OMNIA iam enumerata medicamenta valida sunt & pernicioſa, quibus vti desitum est, postquam Mechoacan receptum est, cuius vsus minimè periculofus est. Et ad ipsum, tamquam ad medicamentum præstantissimum confugerunt non solum nostri, sed omnes etiam Indiarum incolæ. De quo nunc acturi sumus.

### Mechoacan.

MECHOACAN radix est ante viginti annos pri- Mechoacan.  
mum reperta, in prouincia Mechoacan dicta, quadraginta miliaribus supra Mexico, quam deuicit Ferdinandus Cortesius, anno 1524.

IAM vidimus apud Franciscanos huius vrbis nascentem, ex ipsa prouincia Mechoacan naui delatam, multis ramis luxuriantem supra terram expansis, colore cinereo, qui vicinas perticas aut pergulas scandunt, & multiplici nexu amplectuntur, foliis rotundis, in mucronem desinentibus, secundum pediculum amplis, fibrosis, aded verò delicatis, vt humiditate carere videantur: fructu coriandri sicci magnitudine, racematim coherente, qui Septembri matureſcit: radice crassa, vitis albæ seu Bryoniæ modo, vt non desierint qui eandem plantam esse putarent, aut saltem ei congenerem: sed multum differunt, nam Bryoniæ radix viridis & sicca admodum acris est: Mechoacan verò insipida & sine acrimonia.

MILII semine obruta ſeruatur hæc radix, aut lino picato seu resinato inuoluta.

CÆTERVM nunc ex Continenti aduehitur Mechoacan, natum circa Nicaragua & in Quito (vbi diligenter colitur, & magno in vsu est, ob eius mirabiles effectus) longè præstan- Mechoacan alterum.

Forma.

præstātius eo quod ex noua Hispania adferri cōsueuit: cuius flos, semē & ramuli etiam allati sunt. Erat verō is flos quasi mali aurea, quinque foliis constans maioribus, ē cuius umbilico protuberat calyx siue vesiculā quēdam auellane magnitudine, membrana constans tenui, albicante, quē in duas cellulas tenuissima pellicula secretas diuiditur, & in singulis bina grana, ciceris exigui magnitudine, colore per maturitatem nigro, gustu insipido continebantur, quæ molli & spongiosa terra excepta, commodē nascuntur.

Ex huius radice fit conserua varij generis, Cydoniorum modo, sed etiam Gelatina ex saccharo & illius succo, quæ in deliciis esse possunt: nam vt radix est insipida, facile saccharum recipit, quocumque tandem modo paretur.

MOLESTA non est huius radices sumptio, quia nullius mali saporis est particeps, ideoque pueris, senibus aliisque, qui cetera medicamenta respuunt, utilis est.

Facultates.

PITUITAM præsertim & aquas educit. Icterus, cephalæam, strumas, & epilepsiam curat, veteresque defluxiones sistit, articulorum, coli & renum doloribus utilis est. Conuenit etiam vteri doloribus, asthmati, tussi veteri, febribus & lue venerea vexatis.

Exhibendi ratio.

Puluis,

HUIUS autem radices sumende ratio talis est. Purgato prius corpore serapiis, clysteribus, aut sanguinis missione, & dieta, pro medici iudicio; huius radices leuiter contuse puluis vino albo maceratus, aut aqua fœniculi, anisi, aut cinnamomi (si quis vinum non fert) summo mane propinatur, dimidia drachma pondere pueris, vnius drachma iuuenibus & adolescentibus, duarum verò drachmarum viris & mulieribus. Nec inutiliter datur ex syrupo nouem infusionum. Dimidia post sumptum hoc medicamentum horā somnus conceditur, iis præsertim qui vomitibus obnoxij sunt. Facta purgatione, datur iusculum, & paulo post cibis, qualis his dari solet qui sese purgant.

FIVNT



**FI**UNT nonnumquam ex eodem pulvere catapotia Catapotia.  
 coriandri sicci magnitudine.

**I**N manu autē est Medici, \* aut eius qui sumpserit, eam  
 humoris quantitatem purgare quam volet, quoniam sum-  
 pto pauxillo iusculo, aut alia re, eius operatio ilico cessat.

**M**ITTIT nobis Promonitorium D. Helene, quod in Mechoacan  
 eodem quo Nicaragua tractu est, aliud Mechoacan genus filuestris.  
 filuestris, quod graua Symptomata excitat, vt vomitus  
 immodicos, tormina, & alui profluvia, quam ob causam  
 Scammonia nuncupatur: sed nemo (periculo semel facto)  
 vitur. Simile est alteri cum folio, tum sarmentis, tum ra-  
 dice, sed per omnia minoribus: & ipsa etiam radix acrimo-  
 nie nonnihil habet.

Missā sunt nobis ex Hispaniis ante paucos annos duo seminis Me-  
 choacan genera, vnum breui calyculo siue filiqua, semineque nigro,  
 quale est Scammonij aut Conuoluoli maioris: Alterum oblongiore  
 aliquantum calyculo, & semine rufo, & quā superius longiore, te-  
 nerioreque: Vtriusque filiqua parte interiore lanuginosa est.

Ex vtriusque semine nata sunt nobis, & aliquot aliis rei herbariæ  
 studiosis plantæ, quas subsequēntis hiemis iniuria sustulit. Prodiabant  
 Scammonij aut Conuoluoli modo, deinde multis sarmentis proxima  
 pedamenta scandebant & amplectebantur: foliis Conuoluoli maio-  
 ris, sed tenerioribus & colore magis fuluēcente.

\* Negat Ioan. Fragosus Regis Catholici Medicus, iusculo aut alio  
 cibo iniecto Mechoacan vim purgatiuam listi aut infringi, & quoti-  
 diana experientia id se obseruasse ait, eandemque nostri Auctoris in  
 Pinipinichi opinionem reprobat.


Meminit Petrus Ciega parte prima Peruanae historię, in prouincia Radix  
 Quimbaya, cuius metropolis Carthago magna, nasci tenues quādam Quimbaya.  
 radices digiti crassitudine inter arbores, quarum si fragmentum bra-  
 chiali longitudine aquæ sextatio per noctem maceretur in vase ali-  
 quo, maiorem aquæ partem ea nocte absumet. Ex ea quæ supererit a-  
 qua, qui tres uncias sumpserit, adeo benignè purgabitur, & sine mole-  
 stia, vti si Rhabarbaro purgatus esset, & aliquoties periculum fecissē  
 scribit magno purgatorum commodo.

### Piper.

**T**OTO Continentis tractu in quo Nata, Carthago,  
 & etiam in Nouo regno, magnus est vsus Piperis cuiusdam  
 oblongi, quod maiore acrimonia præditum est Orientali,  
 magisque aromaticum, & iucundiore odore spirat, quā

Axi.  
Capficum.

Forma.



Capfici hi-  
storia.

*Axi seu Capficum*; quinetiam praefertur *Piperis nigro*, cum saporis tum suauitatis causa.

**ALITÆ** cuiusdam plantae fructus est oblongus, crassitie quidem funiculi, at dimidij pedis longitudine, constans veluti multis granulis, circa pediculum oblongum continuo & coniuncto ordine dispositis, seminis plantaginis modo. quibus ademptis, pediculus nudus conspicitur. Recens viridis est, sole maturefcit & nigrescit. Calidum est tertio gradu.

**NEC** pratermittendum est *Piper ex Indiis* nostris missum, quandoquidem non modo in medicum vsus receptum est, sed planta est excellentissima, & toti Hispaniae notissima: nam nullus est hortus, in quo non seratur ob fructus pulchritudinem. Vidi aliquando in hac vrbe plantam ad arboris altitudinem excrecentem.

**FOLIO** est viridi, ocymo latifolio simili. flore albo, ex quo pullulat fructus diuersae formae, oblongus, rotundus, *Melopeponis* forma, aut *cerasiorum*, sed immaturus viridis est, maturus verd colore rubro gratissimo.

**PARTICVLATIM** concisum & iusculo maceratum, meliorem saporem edulis conciliat, quam *Piper* vulgare, ideoq; eius vsus est in omnibus in quibus aromata ex *Maluccis* insulis & *Calecutio* delata comendantur, in eo solum differens, quod illa multis aureis emuntur, hoc sola satione acquiritur: nam in vna planta colliguntur aromata in totius anni vsus, minore dispendio, & maiore commodo.

Facultates.

**FLATVS** discutit, vtile pectori & perfrictionibus, calefacitq; & roborat partes internas. Caliditatis & siccitatis in quarto ferè gradu particeps.

*Capficum* hoc, seu *Piper Indicum* (Americum potius) diligentissime colitur tota *Castella* cum ab hortulanis, tum à mulieribus in fenestris ædium suarum. Et enim eo vtuntur per totum annum cum vigente tum







rente tum siccio, pro condimento & pipere. Spectatur varia ( vt noster auctor ait) forma: sed & hæc omnia genera aliquando vidi colore flavescente, in Lusitania, monasterio quodam circa Olysiponem.

Aliud Capsici genus obseruavi in nonnullis Lusitaniæ locis, fruticosum, cubitalibus ramis, virentibus, foliis horrensis Solani ferè, aliquantulum angustioribus: flore candido exiguo, vt Solani horrensis, fructu in longis pediculis paruo, per initia viridi, deinde nigricante, vbi maturuit, rubro, continente multa semina latiuscula alterius Capsici modo, tam feruidi gustus, vt fauces aliquot dies incendat gustatum. Floret, & fructum profert toto Autumno, & in calidioribus regionibus etiam hieme. Illi vocant Pimienta de Bresil, hoc est, Piper Brasilianum, in qua prouincia abundanter nasci, multiplicique in vsu esse intelligo.

### Ceudadilla.

PERLATA sunt ad me cum aliquot aliis plantis ex Hispania noua, semina cuiusdam plantæ Ceudadilla istic Ceudadilla. vocata, id est, Hordeolum, à similitudine quam cum nostro hordeo habet in spica & vaginulis, quibus semen includitur, sed minus eo, lini semine neutiquam maius, & longè aliis facultatibus præditum. Etenim numquã auditum est plan- Facultates. tam aliquam adeo vrente, & caustica vi præditam; sic, vt vbi cauterium necessarium est in gangrenis, & putridis impurisque vlceribus eosdem præbeat effectus, quos non modo sublimatum, sed ignis etiam præstare posset: etenim vermes in vlceribus necat, putridaque vlcera expurgat puluis eius sensim iis inspersus, maiore minoræque quantitate, pro vlceris magnitudine, adhibitis præseruatiuis, quæ in huiusmodi remediis vsurpari solent. Itaque, cum eius facultates insingere volunt, puluerem stillatio rosarum aut plantaginis liquore excipiunt, linumq; aut ellychnium eo inunctum vlceribus & gangrenis imponunt: deinde sarcoitica medicamenta adhibentur, pro cheirurgi docti & experti iudicio.

EADEM ratione vsurpatur in animalium malignis vlceribus, quibus plerumque infestantur.

CALIDVM est hoc semen in quarto gradu, eoque etiam amplius, si plures sint gradus.

## Sulphur viuum.

Sulphur  
Quitense.

MITTIT nobis Quito prouincia Peruana Sulphur viuum præstantissimum, vt vitrum translucentum, colore auri sincerimi, cuius fragmentum pusillum lucernæ adpositum, odorem maximum Sulphuris ei aculatur fumo viridi permistum: & antequam incendatur, nullum Sulphuris odorem præbet.

Facultates.

Huius puluis vino dissolutus, & per aliquot dies faciei vespere illitus (purgato prius corpore) inflammationes curat. Scabiem tollit, rosaceo oleo mixtus. Drachma pondere cum oui luteo sumptus, coli doloribus, nephritidi, nervorumq; contractionibus & ictero utilis est. Calidum et siccum est hoc sulphur summo excessu.

Sulphur Ni-  
caraguanū.

Ex Nicaragua aliud Sulphuris genus aduehitur coloris cinerei, densum, & expers transparentie, nihilq; cum alio commune habens præter odorem.

## Ad Erysipelas.

Medicamē-  
tum ad ignē  
factum.

NOBILIS ille qui Piper longum mihi dedit iam antè descriptum, Peruana Caribagine attulit at placenta quamdam foris nigram, intus luteam, & adhuc humidā, tametsi bis mille fere milliaribus allata esset. Eius pauxillum me præsentē dissoluit aque rosaceæ stillaticio liquore, & eo faciem filij sui, qui erysipelate laborabat, illiuit: postridie simili liquore calente faciem illius abluuit: facies adeo integra & sana reddita est, atque si erysipelate non laborasset.

CONFECTAM verò referebat hanc placenta m lumbricis, quos Indi terra eximentes, Mayxi folijs educant, deinde iam pingues fictili coquunt, eos despumando: colatos deinde rursus decoquunt, donec ad vnguenti consistentiam aut etiam densiorem reducerint.

Carlo Sancto.

ANTE triennium ex Mecboacan prouincia delata est quædam



quedam radix Carlo Sancto dicta, cuius insignes facultates prædicant.

Carlo sancto.

NOSTRO lupulo similis est, & perticis se conuoluit illius more; quibus si careat, humi spargitur & diffunditur: folia etiam Lupulo similia, colore viridi, sed obscuriore, odore graui: neque florem, neque fructum fert. Radix crasso capite est, ex quo alia radices oriuntur digiti maioris crassitudine, colore candicante: cortex qui facile separatur, cuiusq; v-sus est odore aromatico, gustu amaro, cum quadam acrimonia: neruus radicis cortice spoliatus, multis quasi filuris seu tabellis tenuissimis constare conspicitur, quæ sigillatim separari possunt.

Descriptio.

NASCITVR temperatissimis provincia Mechoacan locis, solo neque nimium sicco, neque humido. Calida & sicca initio secundi gradus.

Natales.

RADICIS cortex mane aliquanto tempore commanducatus, multam pituitam, aliosque humores ex capite elicit, eamque ob causam rheumatismos & capitis dolores & defluxiones curat: in nonnullis etiam vomitu multam bilem & pituitam è stomacho expellens, sed illius decoctum maximè, cuius gratia ventriculorum noxiis humoribus liberat, eumque roborat: purgationem tamen præcedere necesse est.

Facultates.

IDEM commanducatus, gingiuis abscedentibus auxilio est, dentes stabilis, eosque à scabritia & corruptione liberat, orisque halitum commendat: sed postea vino os eluendum, ad amaritudinem tollendam.

PVLVERIS eius exigua quantitas ex vino albo, aut adianti, canellæ decocto sumptus, vuluam obstructionibus liberat, mensesq; prouocat, & flatus discutit, purgato videlicet prius corpore, & aluo (dum eo remedio vtetur) ex æquis partibus Liquidambar & vnguenti Dialthæe inuncto.

CORDIS affectibus, iis præsertim qui ex vteri sym-

*pathia oriuntur, auxilio est eius pulvis, vt antè, sumptus, aut illius decoctum hoc modo preparatum.*

Carlo fan-  
cto decoctū.

**RADICIS** minutim concise drachmæ duæ in aqua sextario & dimidio coquuntur ad dimidias, corticis citri in puluerem redacti drachmæ quatuor, pulueris Canelle drachmæ duæ statim iniiciuntur, ac denno feruent, deinde colantur. Istius decocti sex vnciæ singulis diebus mane addito saccharo propinantur, purgato tamen prius vt decet corpore.

**H V N C** puluerem, & decoctū nonnulli in morbi gallici affectibus, atq. etiam Epilepsia cōmendant. Alterum experiri nō admodum necesse est, quod multis aliis ad eum morbum remediis abundemus. Alterius periculum faciam in iis qui vigesimum quintum ætatis annum nondum excessere: nam Epilepsiam in adultis tollere, non est verisimile.

#### Radix S. Helenæ.

Radix D.  
Helenæ, &  
eius histo-  
ria.

**Ex** portu S. Helenæ, qui est in provincia Florida, adferuntur radices quadam prælongæ, sed nodosæ admodum, pollicari crassitudine, foris nigre, intus albæ, sapore aromatico, Galangæ serè simili. Resectis his nodis & perforatis, fiunt precarie sphaerulæ, quas milites Hispani & Indi de collo suspendentes, multum illis tribuunt. Hi siccati rugantur, durig, & quasi cornei fiunt. Planta ramos suos per terrā diffundit, foliaq. ampla & viridia admodum profert.

Natales.

**N A S C I T U R** locis humidis; sicca initio, calida in fine secundi gradus existimatur.

Facultates.

**H A S** radices Indi lapidibus conterunt, totumq. corpus sibi inducunt balneaturi, quoniam cutim constringunt, & membra, vt inquirunt, suo grato odore roborant.

**I L L I V S** pulvis cum vino haustus, in ventriculi doloribus, vrinæ difficultatibus, & nephritide commendatur.

**V T** ex descriptione facultatibusque huius plantæ colligere licet, ad Cyperii genus aliquod referri poterit.

Guacatane.

**M I S S A** nobis est ex Hispania noua plantula quadam  
candicans

candicans (sed sine radice) Indis Guacatane nuncupata, Guacatane nostro Polio montano haud abfimilis, sed inodora, quæ an florem aut semen proferat, ignoro.

AD hæmorrhoides commendatur hac ratione. Eius Facultates, planta decocto ex vino (si calor absit) aliqui ex aqua, hæmorrhoides abluuntur, deinde blandè siccantur, postmodum eiusdem planta puluere insperguntur.

DOLORES ex frigore & flatibus ortos, in quacumque corporis parte sedat, si locus resina prius inunctus, tenuissimo huius puluere inspergatur, & pannus lincus superimponatur: nam ilico adhærebit Cerati modo, nec inde amouebitur, nisi dolore mitigato.

EIVS pulvis lenibus vulneribus impositus, præsertim inguinum, ea mundat & ad cicatricem perducit.

MISSÆ item sunt ad me aliquot aliæ plantæ, sine nomine, quarum vnus ex aqua decoctum calidè sumptum, pectoris vitiiis auxilio est.

ALTERA, quæ partus mortuos, secundasq; morantes trahit, cuius rei magnam experientiam habent Indi.

TERTIAM, si (cum maximè viget) quispiam colligere volens dumtaxat contingat, ilico flaccescit & procumbit.

QUARTA per solum diffusa est & expansa: si quis tamè eam attingat, statim contrahitur: vt brassica murciana.

HELLEBORVS item niger Hispanico similis, & iisdem facultatibus præditus.

MVLTA præterea alia medicamenta in Indiis nostris inueniuntur, insignibus facultatibus prædita, quæ cum tempore (vt iis vti possimus) innotescunt: vt ex eorum quæ hætenus allata fuerunt, vtilitatibus colligere licet, quandoquidem infiniti morbi, qui alioqui incurabiles videbantur, horum vsu curati sunt.

QVÆ omnia mea diligentia accepta ferre oportet, & primæ huius meæ historie parti, quæ per vniuersum orbem admodum



admodum celebris fuit, ob medicamentorum qua in ea continentur descriptionem.

ET vt omnes intelligant quàm utilis meus hic liber fuerit, subiicere hic libet Epistolam ad me scriptam ex Peruana v/que regione, à nobili quodam viro, ante duos menses: etenim ex eorum qua in illa descripsi lectione, inuenti sunt in Peru lapides Bezaares, Orientalibus haud inferiores viribus: de quibus Deo volente in tertia parte agemus.

Epistola ad D. Nicolaum Monardis.

NON dubium est Clarissime Doctor, quin nouum videbitur, me virum illiteratum, semperq; militiam in his regionibus secutum, ad te scribere de iis qua ad facultatem vestram pertinent. Verum animi mei erga eruditos viros propensio (in quorum numero tu es, ob libri tui lectionem, quem de Medicamentis in his regionibus nascentibus eorumque facultatibus euulgasti, & laudem quam eo libro hic consecutus es) fecit vt etiam ignotus has ad te dederim. Etenim satis commendare non possum vtilitatem quam hic attulit tuus iste liber, cum ex eo rationem consecuti simus, qua medicamentis vtendum sit, ex quibus si re methodo antè vsurpatis, nullum auxilium percipiebamus: nunc verò ex tui libri lectione, plerique à morbis, qui deplorati videbantur, liberati sunt.

IAM sunt plures quàm viginti octo anni, quod militiam sequens, per his Indias peregrinor, in quibus non solum qua à te descripta sunt, nascuntur, sed etiam pleraque alia quorum fama nondum ad vos peruenit, ob Medicorum huc à vobis commeantium magna ex parte negligentiam & inscitiam, quibus publica vtilitas (quam tamen summam prestare possent) cura non est, sed vt quæstui dumtaxat seruiant.

Animal lapidem Bezar.  
gignens.

FORMAM animalis, ex quo lapis Bezar extrahitur, in tuo libro describis. Ea diligentius perpensa, animalium  
genus

genus quoddam in istis montibus frequens inuenimus, valde simile iis hircis (nisi quod cornibus orbū est) quos in Orientali India reperiri tradis. Rufi sunt coloris magna ex parte, & herbas salutariferas depascuntur (quarum magna est copia in montibus vbi ista animalia degunt) ita fugacia, vt solo tormentorum aneorum ictu adsequi possimus.

DECIMA quinta Iunij huius anni 1568. ego cum aliquot amicis ad venationem profecti sumus in huius regionis montes, in eam quinque dies insumpsimus, & aliquot ex his quæ dixi animalibus confecimus; cumq; eorum causa venationem suscepissemus, librum tuum contuleramus.

APERTO itaque maximo, & prouectioris ætatis animali, neque in ventriculo, neque in alia parte corporis lapides inuenimus; quo factum est, vt Indicis animalibus similia non esse putaremus. Percontati Indi, quos, vt nobis inseruirent, deduxeramus qua corporis parte lapides hæc animalia haberent, se quidquam de lapidibus scire negabant (vt sunt nobis infestissimi, nec sua secreta nobis innotescere vellent) Indus tamen puer, decem aut duodecim annos natus, cum videret nos tantopere id scire cupere, in animalis receptaculum quoddam, & veluti marsupium nobis ostendit, in quod depastas herbas recipiunt, donec eas postea ruminas in ventriculum traiciant. Ibi puerum illico interficere voluerunt Indi, quod nobis id indicasset; cum tamen postea, nobis in venatione occupatis, interceperunt, & vt intelleximus, sacrificarunt. Indi eos lapides magno habent in pretio, eosq; in idolorum suorum delubris, quæ Guacas vocant, & alia etiam pretiosissima quæque offerre solent, veluti aurum, argētum, gemmas, monilia, animalia, & pueros.

Guacas,

ILLVD autem admiratione non caret, hoc animal per totas has Indias non reperiri, præterquam in montibus istis Regni Peruani. Nam ego omnia Mexicana regna, omnes Peruanas prouincias & regna, prouincias & insulas Ma-

Animal Be-  
zaares lapi-  
des gignens  
in solis Pe-  
ruanis mon-  
tibus,

rañon,

rañon, Floridam; & multas præterea Occidentalium Indiarum regiones peragraui; attamen nusquam hæc animalia conspexi, quàm in solis huius regni Peru montibus.

Facultates.

Ego qua potui diligentia ab Indis amicis de horum lapidum facultatibus inquirens, intro sumptos, aut foris impositos mirificè venenis & toxicis resistere intellexi, cordis affectibus auxiliari, tinea ventris expellere, & eorum puluerem vulneribus sagittarum toxico illitarum vtilissimè inspergi. In summa hūc lapidem alexipharmacum esse perniciosissimi illius toxici quo sagittas suas illinunt, ad sese mutuo consciendos, atque etiam nos Hispanos, quorum plerique, post vehementes cruciatūs & furores mortui sunt, nullum auxilium inuenientes: tamen in sublimato vulneribus insperso nonnulli leuamen senserint: verum si toxico recenti illius sagitta sint, præsentaneam perniciem adferunt, nec sublimatum prodest.

Ex animalis igitur quod primum secum bursula, noxiem lapides exemimus, qui Naturæ beneficio istis creati videntur ex salutiferarum illarum herbarum succo, quæ in bursulam illam congeruntur. Secum & alia huius generis animalia, quæ confeceramus, in quibus omnibus lapides inuenimus, plures aut pauciores, pro animalium etate.

OBSERVANDVM autem est, sola quæ pascuntur in montibus animalia, lapides istos præstantes generare: nam quæ in planis pabulum sumunt, vt herbas minus salubres depascuntur, sic etiam lapides eorum, tametsi viles, iis viribus non pollent, quibus ij præditi sunt qui ab animalibus in montanis degentibus eruuntur.

COEPIVS iis vti eo ordine quem in tuo libro docuisti, & aduersus eosdem etiam morbos, in quibus sanandis mirabiles eorum effectus experti sumus, quos longum esset referre. Quæ omnia tibi accepta referre debent non modò Hispani, sed etiam vniversus orbis. Quantum ad me atti-

net, vt



tet, ut aliquam animi gratitudinem ostendam pro beneficio accepto, opera Ioannis Antonij Corci, diuitis mercatoris; duodecim ex iis lapidib. minto: si eò peruenerint, eos in multis morbis experiri poteris. Eiusdem opera, an eos acceperis mihi significare poteris; etiam, quæ uoles in tuam gratiam faciam, imperare, quoniam tui sum obseruantissimus.

NUNC capsulam accipies in qua Phaseoli genus inuenies, quod Martij initio tantummodo serendum erit, ne frigore ledatur. Planta est fabæ similis, minor tamen, fructum in siliquis ferens. Seni huiusmodi fructus (fabas virides sapient) cum sale manducati, valide bilem, mediocriter pituitam, & sine molestia hydropicorum aquas euacuant: eosdem effectus præbet sicci triti & ex vino sumpti: sed cibum paratum habere conuenit; quia si validius quam necesse sit, purgent, cibo sumpto earum uehementia ilico infringetur.

Phaseolus  
Peruanus.

[Ex Hispaniis nissum fuit Imp. Maximiliano II. felicis, memoria, anno ante quam nobis adimeretur, Phaseoli genus, colore Macounæ simili, sed planiore longioreque forma, & hilo non admodum magno. Huic nomen adscriptum erat *Haba de India*, id est Faba Indica: fortè id erit quod hoc loco ab Auctore describitur.]

PLANTAM etiam quandam hic in planis nascentem graminis modo, magnis facultatibus præditam: siquidem eius decoctum gargarisatum, rheumatismis, gutturis phlegmonibus, aliisq; vitis auxilio est: manducata, multam pituitam educit, ideòque morbis superioribus, & capitis doloribus utilis. Denominationem à me sumpsit hæc plāta, quod mihi familiaris eius vsus sit, & aliis, ut utantur, consulam: cuius facultates me docuit quidam Indus in stirpium cognitione admodum versatus.

Planta graminis similis.

FRUCTVM item arboris cuiusdam, quæ solummodo in hac provincia nascitur, Ilcis magnitudine, cortice Cerri ægylolis simili, foliis fraxini. Magnis viribus pollet: nam corticis eius puluis vulneribus inspersus, ea mundat, deinde carnem generat, & perfectè curat. Dentes eodem puluere fricati stabili-

Molle, cuius autè mentionem feci, describere videtur.

cati stabiliuntur, gingivæ abscedentes sanantur. Foliorum decocto intincti panni, & calidi vulneribus, aut pulveri corticis illis inperso impositi, curationem eorum accelerant, & humorum eò defluxum prohibent. Ex ea manat liquor odoratus, quem etiam fructui adiuxi, suffitibus idoneus ad multos capitis morbos, & emplastris utilis.

Ex eius fructu salutiferam admodum potionem Indi conficiunt. Eum istic seri & nasci velim: nam tibi delectationem adferret, ob eas quibus prädita est hæc arbor facultates, tum etiam quia novum arboris genus est, & omni tempore odoratum.

Fructus vlcetarius.

INDVS quidam Aethiopissam meum mancipium, malignis vlceribus & inusteratis vexatam, pulvere cuiusdam fructus iis inperso, ea mundavit, exesa putrida illa carne, deinde eundem pulverem cum ellychnio vlceribus sanis imposuit ad carnem generandam, vlcusque ad cicatricem perducendum. Erat verò is fructus in insula Margarita, vbi mancipium curandum dedi, admodum vulgaris, sic vt eo vulgari-ter vescantur, magnitudine Assyrii mali, nucem Persicæ mali nuci similem continens, cuius concremata pulvis ad ea quæ nunc enumeravi, utilis est. Illud verò admiratione non caret, nucleum qui hac nuce continetur, adeò noxium esse, & deleteria facultate præditum, vt seu vir, siue animal eo vescatur, presentaneam mortem sibi moliatur, cui nullo remedio occurri potest, tamquam sublimatum aut corrodens aliud medicamentum sumpisset.

Planta sanguineos sudores excitans.

IN vrbe Posto, vbi aliquot annis vixi, omnis generis morbos Indus quidam curabat, solo cuiusdam plantæ succo artubus & parti affectæ illito. Aegros deinde stragulis egregiè tegebat ad sudorem prouocandum: sudor è partibus illitis emanans, merus sanguis erat, quem lineis pannis abstergebat, atque ita in curatione pergebat, donec satis sudasset putaret, optimis interea cibis eos alens. Eo remedio multi morbi de-

morbi deplorati curabantur, imo agri iuniores & robustiores ab eius vsu fieri videbantur. Sed neque precio, neque precibus, neque minis vnquam efficere potuimus, vt eam plantam nobis demonstraret.

ARBOR quædam hic inuenitur materie spongiosa, ex qua Indi numquam ignem struent, tametsi quis illis mortis periculū minitetur: aiunt enim, quotquot ad eius flammam siue ignem accedunt, aut quos solummodo fumus pertingit, in re venerea impotentes fieri.

Arbor venereos stimulos domans

TVMORES in pedibus & cruribus ex frigidis humoribus orti hic curantur herba quadam Centella nuncupata: siquidem ea trita, tumoribusq; imposita, ilico pustulas excitat, è quibus multus humor effluit, donec tumor omnino resoluitur. Sæpius istas euacuationes inter Indos fieri, & nonnullos Hispanos eis vti vidi.

Centella, & eius facultates,

ANNO 1558. in vrbe D. Iacobi, quæ est in prouincia Chile, quidam Indi captiui suras sibi amputarunt, & eas assus, præ fame, ederunt, & (quod mirabile dictu) cuiusdam plantæ folia vulneribus imponentes, ilico sanguinē sistebant.

HERBÆ & arbores Hispanicis similes, admodum pauca hic inueniuntur, quia solum eas non alit. In Hispania noua (cū primum in nostram potestatem redacta est) multe arbores & plantæ Castellanis similes inuenta sunt, tum etiam aues & quadrupedes.

INVENIUNTVR hic Colubri humana magnitudine, nulla feritate metuendi, nec cuiquam nocentes. Aranei mali citrij magnitudine, admodum virulēti. Buffones pluit Hispanicis non minores, quos Indi assatos edunt, vt & pleraque alias immundities.

Colubri.

Aranei.

Buffones.

PROXIMIS huic continenti insulis, tam multi, tantiq; vultures inueniuntur, vt pecudes deuorent, ob custodiū, qui Aethiopes sunt plerumque, negligentiam.

Vultures.

VNA verò res me in admirationem rapit, vaccas in montibus



montibus educatas, si in plana deducantur, omnes emori. Est mihi amicus qui trecentas vaccas in plana traduxerat, illæ aliquanto tempore nihil depascentes paulatim defecerunt, ut ne una quidem intra mensem ei viva relicta sit: omnes autem tremantes & tabescentes moriebantur. Adferebant nonnulli causam naturalem, cum in montibus frigidissimis, ubi singulis diebus pluit, educatæ essent, calorem illum planitie, in quam nulla unquam pluuie deciderat, ferre non potuisse, & mutatione illa subita ab extremo frigore, in extremum calorem, mortuas esse. Etenim consideratione dignum est, quod in planitie illa, quæ octo dumtaxat miliaribus ad montes vsque patet, in longitudinem verò plus mille miliaribus porrigitur, nunquam pluerit, in montibus autem illis vicinis pluât quotidie.

SUPERIORE Octobri venit ad nos affinis meus Alphonso Garcias, strenuus miles, qui se verum Alexipharmacum inuenisse ait aduersus perniciosum illud toxicum quo Cannibales in bello & venationibus vtuntur (sola enim ferina & humana victitant,) deguntq; à Charcas ad Chile vsque Peruanas prouincias.

Planta quæ  
est alexi  
pharmacum

EST verò ea planta, ut ait, foliis latis, plantagini Hispanica haud absimilibus, quæ trita & vulneribus imposita, venenū extinguit, & à symptomatis illis liberat quæ toxicum generare solet. Pro magno thesauro estimant Hispani, eam plantam se inuenisse, quoniam illius presidio tuti, hostes suos Indos non ita metuent, qui dumtaxat illis formidabiles erant, toxicum illius presentaneam mortem adferentis causæ: infinitos siquidem Hispanos trucidarunt, quos tamen esui aptos negant & duriorē carne esse, nisi trucidati tres aut quatuor dies prius macerentur.

NASCITUR autem eadem regione, ubi sit toxicum, & (tamen si credam aliis etiam locis inueniri) voluit Deus eo loco remedium patefacere, vnde perniciēs adfertur.

HÆC

HÆC omnia ed scripsi, vt cōsideres apud te, quàm multæ plantæ his similes in nostris Indiis nascentur, quæ nobis ignotæ sunt, quoniam Indi neque eas, neque earum facultates nobis patefacere volunt, etiamsi nos morientes videant, aut in carcerem coniiciantur: quòd si quædam ex prædictis, & alia nonnulla nobis innotuerunt, ab Indicis mulieribus eas edocti sumus, quæ Hispanis, libidinis gratia, sese commiscētes, omnia quæ sciunt aperiunt.

VERVM prolixior esse nolo, quòd ignorem an hac epistola ad te peruentura sit: quam si peruenisse intellexero, prolixiores dabo de facultatibus aliarum plantarum, & animalium, & de aliis rebus hīc nascentibus, quæ tibi delectationem adferent, quandoquidem harum rerum es adeò studiosus. E Lima in Peru ad 26. Decembris 1568.

Tui studiosissimus

Petrus de Osma & Xarayzeio.

TAMETSI mihi ignotus sit qui has ad me dedit; videtur tamen naturalium rerum studiosus, ideoq; mihi amplectendus. Nam vt militis munus est, perpetuò in armis versari, sanguinem profundere, & alia militaria munia exercere; laudandus est qui plantarum cognitionem, earumq; facultates inquirat. In quo Dioscoridem imitari videtur, qui cū militaret in exercitu Antonij & Cleopatra, quocumque tamen perueniebat, plantas, arbores, animalia, fodinas, & alia præterea Naturæ miracula inquirebat, ex quibus sex illos libros qui toto orbe celebrantur, composuit, vt maiorem laudem scribēdo sit consecutus, quàm si bellica virtute multas vrbes sub imperium suum subegisset. Itaque multū huic viro debeo, cū propter eam quam de me concepit opinionem, tum eorum quæ ad me misit gratia, mihi certè gratissima. Illi scribam, vt nobis plura ex ea regione mittat.

Lapis Bezar  
Peruanus ab  
Orientali  
differt.

**PLANTARVM** quas ad me misit, facultates experiemur, & semina suo tempore seremus. Lapidēs Bezaares, ab Orientalibus mihi differre videntur: nam in superficie sunt perpoliti, & coloris ex cinereo obscuri, & sub duabus veluti testis aut crustis materiam quandam albam continent, quæ dentibus attrita, mera terra est insipida, potiusque infrigidare, quàm calefacere videtur. Faba magnitudinē plerumque sunt: inveniuntur tamen magni & parui, qui magna ex parte sunt planiores. Ego vnum comminui, eiusq; puluerem adolescenti, quem venenum hausisse dicebant, propinaui, & nescio an huius pulueris, aliorumue medicamentorum beneficio, sanatus est. Illius periculum in aliis morbis faciam: & quidquid de hoc, tum aliis medicamentis noui experiemur, in tertio huius historia medicamentorum volumine describemus, in quo magna arcana continebuntur, quæ magnam omnibus oblectationem adferet, & præsertim agris, qui abs illorum facultatibus curari debebunt.

**QVIDQVID** verò in hac historia scripsi, aut ab iis didici qui ex illis regionibus venerunt, aut ex eorum temperamenti collegimus, aut ipsa experientia nos docuit.

**ILLVD** verò animaduertere oportet, omnia quæ ex nostris Indiis adferuntur, magna ex parte calida esse, & sub hoc temperamento eis vtendum, si quis illa sumere volet.

**FINIS.**

**INDEX**



# INDEX ALPHABETICVS

IN LIBRVM DE SIMPLICIBVS  
medicamentis ex Occidentali India delatis,  
quorum in Medicina vsus est: auctore D. Ni-  
colao Monardis.

## A.

Aiotochtli	pagina 54.
Alexipharmacum est Tabaco	21
Ambarum colliquatum	3
Ambar griseū 9 est Bitumē, ead.	
non est sperma Balenæ	10
eius delectus & facultates	10
Emplastrum ex eo	11
inebriat	12
Animallapidē Bezar gignēs	76, 77
Anime	3, 4
Aranei	81
Arbor venereos stimulos domans	81
Armadillo	52
eius facultates	ibidem
Anisum	23
Articulorum dolori Tabaco pro-	
dest	20
Auellanæ purgatrices, earum hi-	
storia & facultates	58. & 59
Axi.	68

## B.

Balsamum, & eius extrahendi ra-	
tio 13 æstimatio & vsus 14	
interius assumptum, foris ad-	
ditum, & cheirurgicis medica-	
mentis additum	15. & 16
purius	17
Balsami arboris historia	17
fructus	ibidem
Bangue	23
Ben magnum & paruum, atque	
earum facultates	59
Bezar lapis	76
eius facultates	78
Bitumen, & eius facultates	9
Buffones	81

## C.

Capficum, eius forma, historia, &	
facultates	68

Caraña, & eius facultates	6, 7
Carbunculis medetur Tabaco	21
çarçaparilla & eius historia	36
eius delectus, nominis occasio,	
& præparandæ apud Indos ra-	
tio	ibidem
Alteræ præparandæ ratio, &	
vtendæ modus	37
çarçæ syrupus, & vtendi ratio	39
çarçæ puluis, & vtendi ratio.	39
çarçæ aqua	39, 40
vnde inferatur	40
eius historia, & exhibendæ ra-	
tio 41 ex ea cataporia	42
Carlo sancto, eius descriptio, nata-	
les, & facultates	73
eius decoctum	74
Cassia solutiuæ, eius delectus &	
facultates	57
Cataporia pro sterilibus	11
Centella, & eius facultates	81
Ceuadilla, & eius facultates	71
Charabe, & eius natales	3
China 33 eius historia, na-	
tales, vsus, & præparandæ ra-	
tio. 34 Aquæ Chinæ sumen-	
dæ modus ibid. eius faculta-	
tes & temperamentum	36
Cicinum oleum	7
Colubri	81
Contrayeruæ	28
Copal	3
Copaleahuil	4

## D.

Draconis arboris fructus	54
eius historia	ibidem
Dragonæ	55

## E.

Emplastrum ex ambaro	11
Emplastrum stomachicum	6
f 3	Encu-

# INDEX.

Encubertado	52	pulvis, & cataplasia	64
Erysipelaris curatio	72	Medicamentum ad ignem sacrum	
F.			
Fabæ purgatrices, & earum facultates	60	Medicorum disceptatio de origine morbi Gallici	30
Fructus ad bilem, & eius facultates	58	Molle, eius historia, natales & facultates	46, 79
Fructus dysentericus ex Quito	55	Morbus Gallicus	18, 29
Fructus ulceratus	80	Neapolitanus	29
G.		N.	
Gangrænis medetur Tabaco	21	Naphtha	9
Guacas.	77	Nephritidi Tabaco prodest	20
Guayacan 28 & eius historia	30	Nicotiana	24
eius decoctum atque usus	31	Nuclei Pinei purgantes, eorum descriptio & facultates	60
Guayaci facultates, & Serapium ex eo	32	O.	
Guacatane, & eius facultates.	75	Ocoşol	12
Guayaquil	40	Oleum cicinum	7
Gummi ad podagram, & eius facultates	55	eius facultates	ibid.
H.		Oleum ex Liquid-ambar	13
Herba Ioannis infantis: eius historia & facultates	27	Oleorum eliciendorum ratio	7
Herba Regiæ	24	Oleum ficus infernalis	7
Herba sancta	24	Opium	23
Hyuourahé, eius historia & facultates	33	P.	
L.		Pauame & eius historia	43
Lacerti Caymanes	51	delectus, temperamentum, & facultates	44
Lacerti magnitudo ingens	ibid.	eius decocti parandi ratio	ibidem
Lapis Præsius	49	Perebecenuc	24
Lapis Tiburonum, & eius facultates	50	Perum, & eius genera duo	24
Lapis Caymanum, & eius facultates	51	eius natales, & facultates	27
Lapis Sanguinalis, & eius facultates	51	Picielt	18
Lapis timas pedum curans	52	Pilulæ famem, sitimque sedantes	23
Lapis nephriticus, eius varia forma, & facultates	49	Pinipintichi	64
Lignum nephriticum	48	Piper	67
Lignum aromaticum	48	Phaseolus Peruianus	79
Lignum Indicum	30	Plantagramini similis	ibid.
Liquid-Ambar, & eius facultates	12, 13	Planta sanguineos sudores excipians	80
Lues venerea	28, 29	Planta quæ est alexipharmacum	82
M.		Polypo Tabaco prodest	22
Manati piscis	50	Præsius lapis	42
Mechacacan, & eius forma	61, 67	Q.	
eius facultates, exhibendi ratio,		Quimbaya, radix	67
		R.	
		Radices venenis aduersantes	27
		Radix Quimbaya	67
		Radix S. Helenæ, eius historia, natales, &	

# INDEX.

tales, & facult.	74	T.
Raphanus	23	Tabaco 18 eius natales &
Resina Balsami facultatibus præ-		facultates ibid. Serapium ex
dicta	17	eo 19 cruditatibus ventriculi
Resina Carthaginensis, & eius fa-		prodest ibid. alexipharma-
cultates	ibid.	cum est 21 eius experiendi
Ricinus Americus	8. & 9	aduersus venena occasio 21
S.		eius vsus Indis frequens 22
Sanguis draconis : & cur sic di-		Tacamahaca, & eius facultates 5
ctus 54 eius historia, & fa-		Tartou 54
cultates	ibid.	Tiburon piscis 50
Sassafras 43 quæ & Pauame		Toçor-guebit 4
ibid. eius historia	44	V.
Scabies Hispanica	29	Vteri suffocationi Tabaco præ-
Serapium ex Tabaco	19	dest 20
Serpigo Indica	29	Vulneribus recentibus medetur
Solanum furiosum	23	Tabaco 21
Succinum non est lachryma	4	Vulneribus animalium 21
Sulphur Nicaragnum	72	Vultures 81
Sulphur Quitense, & eius facul-		X.
tates	ibid.	Xelochopali 4

## FINIS.

### ERRATA SIC CORRIGITO.

Pag. 10. versu 29, in facti 13. 31, imitationem 25. 3, rapicupit. tum e 4.  
quæ app. pronunciatarum. 35. 30: Febribus 38. 28, consumptionem, 51. 31, Panamam.


Londini emi anno 1579. in Mercatorum porticu de Gallo nauclero Phaseoli genus, quod è Brasiliانا Noui orbis prouincia aduectum assererat. Nostro vulgari maior est is Phaseolus latiorque, nec minus colore variat: etenim nunc flauus est, aut omnino niueus, modò ater, aut purpureus, aut albis purpureisque maculis distinctus. De simili planta natum referebat, qualis Europa est, nostrumque saporis gratia & bonitate longè superare, si eodem modo decoquatur.


Eius iconem ad viuum expressam, in Herbariæ rei studioforum gratiam ad huius libelli calcem (quoniam suo loco inferi non potuit) reponendam curauimus. Pertinet verò ad finem Annotationum in cap: de Fabis purgat.





JEB  
17-11-16







C579  
077a

